

南音三籟

南音三韻叙

自樂不傳于今之世而聲音之道
流行於天地間者惟詞曲一種而
已曲有自然之音之有自然之節
非闕作者亦非撰者莫知其
所以然而然通其音者可以不設

宮調解其節者可以不立文字而
學者不得不從宮調文字入所謂
師曠之聰不廢六律與匠者之規
矩埒也今之傳者置此道于不講
作者襲其失步半臆廓填褊
者沿其師承隨口吟嘯即有周

即之顧誰肯任其誤而止之耶而自
然之元聲卒有不可泯滅者顧之
拙匠自舛越于規矩終不能使方
圓易象則譜不可不設而毘陵蔣
孝之功殆不可誣矣徒以獨見未聞
大段具體小車漏遺沈伯英力起

而詳之顧大而才疎其橫而鑿者
殆欲令減三可其局而膠者幾不
得及三隅瑕類既多安稱穀率
病起多暇鈔撮德音之行世者
以三等列而合其調於二氏之譜訛
者正之渾若跡之推則闕焉蓋

承襲此一日不得有存而不論者
六時勢自然也如老從宮調文字中
準之收從不誤宮調不主文字中會
之而自然之音節自出耳夫韻者自
然之音節也蒙莊分別之爲三要
皆以自然爲宗故凡詞曲字有平仄

席三

句有短長調有合離拍有緩急其所以
謂宜不宜者正以自然與不自然之異
在芒忽間也操一自然之見于胸中以
律他者誰者當兩無所遜作者安
于位置誰者約于規程矣吾嘗以余
論音曰絲不如竹竹不如肉以漸

也自然知此以言三類則有莫逆
于心者乎

即空觀主人題

南音三韻凡例

一曲每誤於觀字。蓋曲限於調。而文義有不屬不暢者。不得不_{如這那怎着}用一二字觀之。然大抵虛字耳。_{似個之類}不知

者以爲句當如此。遂有用實字者。唱者不能搶過而腔戾矣。又有認觀字爲實字。而觀外加觀者。唱者不能搶多字而腔又戾矣。固由度曲者惜於律。亦從來刻曲無分別者。遂使後學誤認。徒按舊曲句之長短。字之多寡。而倣以填詞。意謂可以不差。而不知虛實音節之實非也。相沿之誤。反見有本調正格。疑其不合者。其弊難以

悉數此刻凡觀字俱以細書別之間有本調虛字句上無板

者可兩可三者則不復分

如山坡羊第八句琵琶記云沒主公婆教誰管取本七字句而觀一教字者其下曲圖得不知他親炙時觀一他字一例也雖入字而七字之節故在故絲樓記一任樵樓更漏傳幽閨記回首家鄉淚滿腮皆然而認爲八字者填作種種思量躊躇惆悵旣用八字而惆字又用平聲卽欲觀一字而調已撈矣玉抱肚第五句琵琶句云相看到此不由人珠淚流亦本七字句而觀不由人三字者時人誤於不由人下又增一不字遂認不由人不珠淚流爲一七字句而相看到此另是一句遂有填作心中快快無明徹夜費思量者四字作觀旣難不得不添出一板而以爲玉抱肚有兩體矣此皆觀字不別誤之也其詳皆在後本調中偶舉一二則以例其餘

一曲又易誤於犯調蓋古來舊曲有犯他調者或易其名

如玉山供錦。或止於本名下增一犯字。相沿之久。認爲度樂之類。

本調者多矣。度曲者懵然不知。按字句而填之。唱曲者習熟既久。反執此以改彼。其弊亦煩。此刻俱細查分出。間有未明。或已明而尚在疑似者。則誌之上方以闕疑。蓋慎之也。近刻惟吳歛萃雅有分註。而未能盡得承訛。亦多悉爲訂定。

如五供養末句。本七字句。琵琶記用骨肉分離寸腸割斷八字。則犯月上海棠者。舊本刻五供養犯是也。今人以此爲本調。而唱青海棠老末句者。將北風吹而利如刀。用寸腸割腸之板而求強合。旣已可笑。及見他曲有七字末句者。便謂犯玉山頽。不知曲無玉山頽名。時人所謂玉山頽者。如琵琶記公公尊賜。實名玉山供。乃玉

南音二類凡例

抱肚五供養合成者。下半正卽五供養本調。故七字句也。何嘗別犯乎。此皆犯調不別誤之也。其詳皆在後本調中。偶舉一則以例其餘。

一曲依宮分調。做譜例也。但向來之曲。多帶諸宮之調。以成套者。則止因其首曲之宮。以次列焉。

一牌名板眼。句字增損。坊刻承訛襲舛。誤人多矣。毘陵蔣氏全譜。本調具在。可據以訂各詞。松陵沈伯英採新補舊。亦是功臣。間有臆見未確者。則斟酌而定之。然必確証。必實譜。斷不妄爲傳會。猶恨無周郎之識。盡顧其誤。百不失一而後快耳。

一字之閉口者。止侵尋監咸廉纖三韻。人所易誤忘者。則加○以別之。從沈譜例也。其空撮口者。萃雅偶及殊畧。然其類甚繁。字字而註。則又太瑣。今作小△於左方。至鼻音。則止庚青一韻。原無別讀。無論識字與否。不慮其不入鼻者。止姑蘇城中土音。則以庚爲根。青爲親耳。天下之正音皆不然也。故不必復標識之。

一曲分三韻。其古質自然行家本色爲天。其俊逸有思時露質地者爲地。若但粉飾藻績。沿襲靡詞者。雖名重詞流。聲傳里耳。槩謂之人韻而已。擬每韻各爲一集。恐閱

者嫌雜。仍以詞照宮調收之。而分註其目下。復畧加圈於佳句。以示指歸云。

一曲之有中原韻。猶詩之有沈約韻也。而詩韻不可入曲。猶曲韻不可入詩也。今人如梁張輩。往往以詩韻爲之。其下又隨心隨口而押。其爲非韻則一。然自琵琶作俑。舊曲亦不能盡無此病。茲刻每曲必註用某韻於後。其犯別韻。或借韻者。亦字字註明。至有雜用數韻。不可以一韻爲正者。則書雜用某某韻。庶無誤後學耳。

一曲自有正調正腔。襯字雖多。音節故在一。隨板眼。毫不

可動。而近來吳中教師。止欲弄喉取態。便於本句添出
多字。或重疊其音。以見鍛弄之妙。搶薙之捷。而不知已
戾本腔矣。况增添既多。便須增板。增板既久。便亂正板。
後學因之。率爾填詞。其病有不可救藥者。偶一正之。卽
云本之王問琴所傳。而不知作偏之爲罪人。沈伯英所
謂聞今日吳中清唱。卽欲掩耳而避者也。茲刻一依舊
本錄曲。一依舊譜點板。不敢徇時。其爲時所沿者。俱明
列其故。以備異同云。

如楚江情中。紅鴛被怎溫。本一江風也。一江風。百無疊
句。卽從時。亦止可疊唱一句。而今人竟添云。紅鴛被怎

生樣溫。試思一江風有此句法否。至於一聲愁氣而增作一聲聲愁和氣。唱咭玊璫而復增響咭叮之類。可笑。難以枚舉。又如唱五供養北風吹面利如刀。乃去利字上犁板。而截板于面字下。以求合於寸腸。判斷之體。且曰我得真傳。豈不貽笑哉。

譚曲雜劄

卽空觀主人著

曲始於胡元。大畧貴當行。不貴藻麗。其當行者曰本色。蓋自有此一審材料。其脩飾詞章。填塞學問。了無干涉也。故荆劉拜殺爲四大家。而長材如琵琶。猶不得與。以琵琶間有刻意求工之境。亦開琢句脩詞之端。雖曲家本色。故饒而詩餘。弩末亦不少耳。國朝如湯菊莊。馮海浮。陳秋碧輩。直闖其藩。雖無帶本戲曲。而製作亦富。元派不絕也。自梁伯龍出。而始爲工麗之濫觴。一時詞名赫然。蓋其生嘉隆間。正七子雄長之會。崇尚華靡。弇州公以維來之誼。盛爲

吹噓。且其實於此道不深。以爲詞如是。觀止矣。而不知其
非當行也。以故吳音一派。競爲勦襲靡詞。如綉閣羅幃。銅
壺銀箭。黃鶯紫燕。浪蝶狂蜂之類。啓口卽是。千篇一律。甚
者使僻事。繪隱語。詞須累詮。意如商謎。不惟曲家一種。本
色語。抹盡無餘。卽人間一種真情話。埋沒不露已。至今胡
元之竅塞而未開。間以語人如錮疾不解。亦此道之一大
劫哉。

白兔殺狗二記。卽四大家之二種也。今世所傳。誤謬至不
可讀。蓋其詞原出以太質。索解人正難。而妄人每於字句

不屬方言不諳處。輒加竄改。真面目全失矣。荆拜二記雖亦經塗削。而其所有原筆處。猶足以見其長。非後來人所能辦也。元美責拜月以無詞家大學問。正謂其無吳中一種惡套耳。豈不寃甚。然元美於西廂而止。取其雪浪拍長空。東風搖曳。垂楊線等句。其所尚可知已。安得不擊節於新篁池閣。長空萬里二曲。而謂其在拜月上哉。琵琶全傳自多本色勝場。二曲正其稍落游詞。前輩相傳。謂爲贗入者。乃以繩拜月。何其不倫。

近世作家如湯義仍。頗能模倣元人。運以俏思。儘有酷肖

處而尾聲尤佳惜其使才自造句脚韻脚所限便爾隨心胡奏尚乖大雅至於填調不識用韻麗雜而又忽用鄉音如子與宰叶之類則乃拘於方土不足深論止作文字觀猶勝依樣畫葫蘆而類書填滿者也義仍自云貽蕩淫夷轉在筆墨之外佳處在此病處亦在此彼未嘗不自知祗以才足以逞而律實未諳不耐檢核悍然爲之未免護前况江西弋陽土曲句調長短聲音高下可以隨心入腔故總不必合調而終不悟矣而一時改手又未免有跡小巨木規圓方竹之意空乎不足以服其心也如留一道畫不

了的愁眉待張敞。改爲留着雙眉待張敞之類。

沈伯英審於律而短於才。亦知用故實用套詞之非宜。欲作當家本色俊語。却又不能。直以淺言俚句。捫摸牽湊。自謂獨得其宗。號稱詞隱。而越中一二少年。學慕吳趨。遂以伯英爲開山。私相伏膺。紛紜兢作。非不東鐘江陽韻韻。不犯一稟德清。而以鄙俚可笑爲不施脂粉。以生梗稚率爲出之天然。較之套詞故實。一瓜反覺雅俗懸殊。使伯龍禹金輩見之。益當千金自享家帚矣。

張伯起小有俊才而無長料。其不用意脩詞處。不甚爲詞。

掩頗有一二眞語。工語氣亦疏通。毋柰爲習俗流弊所沿。一歛故實。便堆砌駢轅。亦是倣伯龍使然耳。今試取伯龍之長調。靡詞行時者讀之。曾有一意直下而數語連貫成文者否。多是逐句補綴。若使歌者於長段之中。偶忘一句。竟不知從何處作想以續。總之與上下文不相蒙也。伯起不能全學其步。故得少逗已靈。乃心知拙於長料。自恐寂寥未免塗飾。豈知正是病處。

紅梨花一記。其稱琴川本者。大是當家手。佳思佳句。直逼元人處。非近來數家所能才具。雖小狹於湯。然排置停勻。

調妥。湯亦不及。惜逸其名耳。中所作北詞。乃熙寧元張壽卿之筆。惜其不用原文。而更其宮調。以致混江龍失腔。然其文足觀也。同時有武林本。不堪並存。

元曲源流。古樂府之體。故方言常語。胥而成章。着不得一毫故實。卽有用者。亦其本色事。如藍橋祆廟陽臺巫山之類。以拗出之。爲警俊之句。決不直用詩詞中他典故填實者也。一變而爲詩餘集句。非當行矣。而未可厭也。再變而爲詩學大成。羣書摘錦。可厭矣。而未村煞也。忽又變而文詞說唱。胡謔蓮花落。村婦惡聲。俗夫褻謔。無一不備矣。今

之時行曲求一語如唱本山坡羊刮地風打棗竿吳歌等
中一妙句所必無也故以藻績爲曲譬如以排律諸聯入
陌上乘董妖嬈樂府諸題下多見其不類以鄙俚爲曲譬
如以三家村學究口號歪詩擬康衢擊壤謂自我作祖出
口成章豈不可笑而乃攘臂自命日新不已直是有靦面
目。

尾聲元人尤加之意而末句最緊要北曲尚矣南曲如拜
凡可見一斑大都以詞意俱若不盡者爲上詞盡而意不
盡者次之若詞意俱盡則平平耳猶未舛也而今時度曲

者詞未盡而意先盡亦有詞既盡而句未盡則復強綴一語以完腔未必貂不足真所謂狗尾續也。

如拜月云自從別後信音絕這些時魂驚夢怯都管是煩惱憂愁將人斷送也又云中心先自不如意縱然間肯同隨喜也做了個興盡空回豈非詞意俱若不盡者乎如云別離會合皆緣分受過憂危心自忖從今暮樂朝歡還正本又云遲疾早晚兵戈息相約行朝訪踪跡怎肯依舊中原一布衣豈非詞盡而意不盡者乎如琵琶譜尾聲惟有快活是良謀管取歡娛歌笑喧則詞意俱盡矣明珠記多情自古多離愁料東君不把深盟罷打點着錦帳鴛床受用咱亦是合作湯義仍更多妙者難以僂舉若灌園記綁他早去沉波浪斷送芙蓉一夜霜免教伊點辱門牆豈非詞未盡而意先盡詞既盡而句未盡者乎何不以斷送芙蓉一夜霜之成句爲煞句便覺可聽也紅拂記重重屈市成官闕仔細看來多幻也枉使心機堆髻雪一尾亦然他如時曲庸尾甚多不

能彈述知者
可以意推。

本曲調有不用尾聲。則煞句卽是尾。唱法亦然。故舊曲亦必於此用老句妙句煞之。如琵琶下絃綸不愁無處笑伊村煞拜月。知他喚愁是甚的。總不解愁滋味。金印男兒好和反都是這番命裡之類是也。今人於尾聲且漫然塗塞。況於煞句尤不通此竅矣。大凡過曲至末緊板緊腔。調不可舒者。則以尾聲漸舒其調以收之。若過曲有四曲二曲而未處調可舒者。卽不可用尾。唯唱時畧舒末句以作尾而已。此自一定之法。今填曲者不知。以爲凡曲必宜有尾。

矣。而唱曲者見無尾舊曲。卽造一尾以添之。以至琵琶拜月。紛紛多有續貂。良可笑也。

改北調爲南曲者。有李日華西廂增損句字以就腔。已覺截鶴續鳬。如秀才門聞道請下增先生二字等是也。更有不能改者。亂其腔以就字句。如來回顧影文魔秀士欠酸丁是也。無論原曲爲風欠而刪其風字爲不通。卽玉抱肚首二句。而強欲以句字平仄叶。亦須云來回顧影秀文魔風酸欠丁。蓋第二句乃三字一節。四字一節。而四字又須平平仄平者。今四字一節。三字一節。如一句七言詩。豈本

四字句句有宜上三
下四者有宜上四下三
者皆有一定音節以
合板眼不可亂也

調耶。今唱者恬不知怪。亦可笑也。至西廂尾聲。無一不妙。首折煞尾。豈無情語。佳句可採。以槩括南尾。使之悠然有餘韻。而直取東風搖曳。垂楊線。游絲牽惹。桃花片。兩詞語填入耶。真是點金成鐵手。乃西廂爲情詞之宗。而不便吳人清唱。欲歌南音。不得不取之李本。亦無可奈何耳。陸天池亦作南西廂。悉以己意自創。不襲北劇一語。志可謂悍矣。然元詞在前。豈易角勝。況本不及其所爲明珠記。今亦不行。

明珠記工俊宛展處。在當時固爲獨勝。非梁梅輩派頭。聞

其爲乃兄儀部黠竄居多。故南西廂記較不及遠甚耳。元美以未盡善一語槩之。以其不甚用故實。不甚求麗藻。時作真率語也。賴有鳳尾箋。鮫綃帕。芙蓉帳。翡翠堆等語。未脫時尚。故猶得與伯龍輩同類而共評。不然幾至不齒及矣。我謂未盡善正在此。不在彼。其北尾云。君王的兀自保不得親家眷。窮秀才空望着京華。淚痕滿。直逼元人矣。此等句。近世唯湯義仍間有之耳。豈當時餘子所及乎。

玉環記。隔紗窓日高花弄影。改元劇。喬夢符筆也。喬煞尾末句云。比及你見我那負心薄倖。多管我一靈先到洛陽。

城此等語。不但慘慼回環。抑且以之作收。力有萬鈞。今以混入。猶兒墜中。急腔唱過。大減分數矣。而尾聲末句。則以專聽春雷第一聲收之。豈不村殺。然此記賓白。及曲中佳處。亦能彷彿。非近時腳手。

戲曲搭架。亦是要事。不妥則全傳可憎矣。舊戲無扭捏。巧造之弊。稍有牽強。畧附神鬼作用而已。故都大雅可觀。今世愈造愈幻。假托寓言。明明看破。無論卽真實一事。翻弄作烏有子虛。總之。人情所不近。人理所必無。世法旣自不通。鬼謀亦所不料。兼以照管不來。動犯駁議。演者手忙脚

亂觀者眼暗頭昏。大可笑也。沈伯英構造極多。最喜以奇事舊聞。不論數種。扭合一家。更名易姓。改頭換面。而又才不足以運掉布置。掣衿露肘。茫無頭緒。尤爲可怪。環翠堂好道自命。本本有無。無居士一折。堪爲齒冷。哀集故實。編造亦多。草草苟完。鼠朴自貴。總未成家。亦不足道。

周德清中原音韻。舌本甚調。聯叶甚協。自是明白可依。知者可以闇合無訛。非若休文詩韻。龐雜乖離也。故元人北劇。一準而用之。今人作詩。必不能跳越休文韻。以唐人遵之之故。乃曲之於德清韻。不能如元人遵之。何哉。此自琵琶

琵琶等舊曲。皆不免旁犯。則以轉韻借叶。易於成章耳。然北曲僅存者。無一失韻。南曲盛行。反不能然。正恐流傳竄改。未必皆作者之故也。其廉纖監咸侵尋閉口三韻。舊曲原未嘗輕借。今會稽毘陵二郡。土音猶嚴。皆自然出之。非待學而能者。獨東西吳人。懵然亦莫可解。近來知用韻者。漸多。則沈伯英之力不可誣也。

白謂之賓白。蓋曲爲主也。戒菴漫筆曰。兩人對說曰賓。一人自說曰白。未必確。古戲之白。皆直截道意而已。惟琵琶始作四六偶句。然皆淺淺易曉。蓋傳奇初時。本自教坊供

應此外止有上臺拘攔。故曲白皆不爲深奧。其間用詼諧
曰俏語。其妙出奇。拘曰俊語。自成一家言。謂之本色。使上
而御前下而愚民。取其一聽而無不了然快意。今之曲旣
鬪靡而白亦兢富。甚至尋常問答。亦不虛發閒語。必求排
對工切。是必廣記類書之山人。精熟策畧之舉子。然後可
以觀優戲。豈其然哉。又可笑者。花面丫頭長脚髯奴。無不
命詞博奧。子史淹通。何彼時比屋皆康成之婢。方圓之奴
也。總來不解本色二字之義。故流弊至此耳。或曰然則如
琵琶黃門早朝等語。亦非乎。曰說書家。非不是通俗演義。

而但見

云

儘有偶句描寫工妙者此自是其一種鋪排

本色人自不識其體耳


呂勤之序彼中蕉帕記有云詞隱先生之條令清遠道人之才情又云詞隱取程於古詞故示法嚴清遠翻抽於元劇故遣調俊又云詞忌組練而晦白忌堆積駢偶而寬其語良當勤之越人卽所稱蔚藍生者也頗嗜曲而亦見一班者故其語若此乃其所校訂友人諸戲殊少合作卽蕉帕一記頗能不填塞間露一二佳句而每每苦稱至尾必雙收則戈陽之派尤失正體也雖譜中原有雙煞一體然

豈空頻見。况煞句得兩。必無餘韻乎。

吾湖臧晉叔。知律當行。在沈伯英之上。惜不從事於譜。使其當筆訂定。必有可觀。晚年校刻元劇。補缺正訛之功。故自不少。而時出已見。改易處亦未免露出本相。識有餘而才限之也。荆釵一記。自謂得元人秘本。信韻叶而調諧矣。然穿鑿斧痕。豈皆岑昇如草舍茅簷一曲。本用監咸險韻。時本有一二犯別韻者。必是不知韻者訛之。固無可疑。而臧本韻韻皆嚴。誠爲一洗。然莫忘雌炊屨一語。押則妙矣。句則奇矣。有以知其非元人面目也。澠淄之味。善嘗者自


別之不可枚舉

王丈樹



覺爐香消人靜
釣魚舟隨浪深






北金丸墜落
飛鳥



焚宝祈禱青霄



砧聲住角聲
又哀




楚襄王夢驚
蝴蝶



同教歸鶴立
小廊




漁槎弄新腔
一笛堪誇



向而廟處欄杆
外開凭竹梢月
楊斗柄雲橫



枕邊掉下
金釵响




圓
：
枝
：



暮雨燈上時
鐘聲遶遠夢
差



主馬長楊相
邂逅



紅樓夢把簫歌
按掩卷情懷
亂



望盧葭淺
草中分國
下馬



南音三籟散曲上卷目

仙呂宮

八聲甘州

地如醉如痴北詞譜注合用不是路○解三醒○孤飛鴈沈青門

籟人天長地久北詞譜注合用不是路○解三醒犯○不知

芝蔴北詞譜注

王漢陂

籟人玉盤金餅北詞譜注合用不是路○解三醒○油核桃祝枝山

甘州歌

地歸來未晚北詞譜注合用解醒歌王陽明

人春眠方曉

王雅宜

桂枝香

地畫樓頻倚合用不是路○長拍○短拍

陳大聲

醉扶歸

地相思欲見合用○仙呂入雙調步步嬌○江兒

張伯起

人效於飛鴛侶合用○皂羅袍○仙呂入雙調月

鄭虛舟

望吾鄉

人調爛熳春光合用傍妝臺犯○解三酲犯○葬楊斗望

羽調

四季花

人調寒氣透疎櫺合用箇調集賢賓○簇林鶯○梁伯龍

正宮

白練序

人調窺青眼合用醉太平○下三曲同

高東嘉

人調春烟暖王雅宜

人調西風裡楊升菴

南音三韻 散曲上 卷目

人
春光早

梁伯龍

普天樂

天
武陵花

合用鴈過聲○傾杯序○芙蓉燈○

陸包山

地
建安才

合用鴈過聲○傾杯序○玉芙蓉○

沈青門

人
四時歡

合用全前

無名氏

刷子序犯

人
雲雨阻巫峽

合用山漁燈犯○普天樂犯○

劉東生

人
南浦雨初歇

合用全前

楊升菴

錦纏道

地合用蒲帆風○中呂古輪臺

沈青門

錦庭樂

地合用被兒餘

陳大聲

傾杯賞芙蓉

人合用隔牆新月○普天樂○朱奴帶

楊升菴

中呂宮

榴花泣

人合用折梅逢使○瓦漁燈

梅禹金

人合用佳期重會○今前

陳大聲

瓦盆兒

地

同思

相思到底

合用

榴花泣○喜漁燈○下二曲

沈青門

人

同思

教人對景

同此

人

秋夜憶心

虛堂坐雨

好事近

天

同思

堯的上心來

合用

正宮

錦纏道

○

普天樂

○

陳大聲

人

秋夜憶心

風月兩無功

合用

全前

毛蓮石

泣顏回

地

春近

東野翠烟消

合用

千秋歲

○

越恁好

○

紅繡

高東嘉

人無語對薔薇合用正宮聯○仙呂解三酲

無名氏

人萬井花王合用全前百律以見惠顯得同

無名氏

○南呂宮

梁州小序

人西園暮景合用節節高○下俱同

陳大聲

人幽香新染鄭虛舟

人長空如洗沈青門

人郊原風暖梁伯龍

人筠窓星散王雅室

王樹勳

凌初成

地別來時候

顧道行

人鸞鳳同聘

合用懶畫眉○商調梧桐樹犯○
本宮浣溪紗○劉潑帽犯○秋夜
月○東甌令○金錢花

王漢陂

人春風薄分

合用瑣窓寒○劉潑帽○大勝樂
○節節高

唐伯虎

繡帶引

聲聲慢任蘇州府署及知縣張春竹寺二卷

天幕忽地

合用懶針線○醉宜春○瑣窓繡○
大節高○東甌蓮

錢霍灘

針線箱

人自別來

合用仙呂解三酲

鄭虎舟

紅衲襖

地^音 賴^音 香肩 合用五更轉○浣溪紗○東旣令○金白喚

懶畫眉

天^越 小名兒牽掛 合用不是路○仙呂掉角兒序 燕仲義

人^風 寶花欄十二 合用全前 沈青門

黃鐘宮

畫眉序

天^無 無意整雲鬟 合用商調黃鶯兒○羽調四季

花○仙呂皂羅袍犯○解三醒
○南呂浣溪紗犯○奈子花○
商調集賢賓○琥珀貓兒墜○
啄木鵲○仙呂入雙調玉交枝
○越調憶多嬌○仙呂入雙調

月上海棠

王漢陂

地人心怎能測

合用南呂浣溪紗犯○本宮三
段子犯○滴溜子○下小樓○
永團圓犯

失名

人一見杜常娘

合用商調黃鶯兒○集賢賓○
琥珀猫兒墜

祝枝山

畫眉序犯

人霍索起披襟

合用雙調錦堂月犯○商調御
鶯兒○黃鶯兒○仙呂排歌一
封○一封歌○羽調馬鞍兒犯
○皂馬鞍○商調水紅花犯○
中呂念佛水紅花

燕仲義

人鵬鵬報春晴

合用雙調畫賢賓○商調集賢
兒○黃鶯帶一封○仙呂一封

羅○羅袍歌○甘州解醒○解醒
姐姐○仙呂入雙調姐姐抱
醉公○雙調醉僂僂

劉東生

絳都春序

人情濃乍別詞中合用出隊子○關樊樓○滴滴金
○畫眉序○甬呂流溪紗犯○本
宣三段子犯○滴溜子○下小樓
○水團圓犯

王漢陂

咏木兒

地誰題中家女兩鬢丫合用羽調賣花聲歸仙洞

王漢陂

南音三韻散曲上卷目終

南音三籟 散曲上

卽空觀主人 評訂

椒雨齋主人 點叅

仙呂八聲甘州 地籟

沈青門 托鴈傳情

此曲又有五字起一體如春深離故宋是也

故人人字用韻乃佳餘微此

如醉如痴這悶懷深似滄海無底烟波迢遞青鳥斷絕消息傷情最怕日傍晚聽幽砌蛩吟聲韻悲故人尚隔在萬山千水

前腔 換頭

無奈芳心似織把雨情雲態何日重會鴛鴦鸞枕一旦頓

南音三籟

散曲上 仙呂

此仙呂調近詞名曰賺一名指花賺又名春羅門賺又各薄州賺與南呂調近詞賺同他如正官有賺有黃鐘賺越調有入賺大石調越調俱有本官賺皆大同小異級有長短耳從無不是路之名今從俗耳

第四句用六字此正體也

成拋棄相思最苦成病也。料人在他鄉猶未歸。此情仗誰人傳遞消息。

不是路

萬種葳蕤。一度思量。一度悲愁。悶損從來不似這般兒。告天知。怎能。教冤家歸院宇。把我慇懃鬼病除。閒庭立。看看月上瑤天外。好難存濟。好難存濟。疊句與上句板異。時本止一句非。

解三醒

幾曾受這般滋味。到黃昏轉添。空寂。燈兒照着形憔悴。奈隻影鎮相隨。謾自沉沉吟。空嘆息。直捱到燭燼香消入繡幃。

第五句空嘆思嘆
字用仄聲妙活易
設自沉吟為沉吟
設自則更令矣蓋
此句宜用平平仄
仄平仄平也詳兄
後
此曲換頭當如海
棠嬌等開懽悻悻
又不可當時花下
入二句與琵琶比
似我虧心臺館客
二句今樂與起處
一樣失體甚矣
按孤飛鴈惟拜月
亭聖恩詔首從天
降一曲是正體以
此四句毫無干況

愁無寐只聽得畫角兒鳴咽頻吹

前腔

似陳搏怎生得睡系促織兒絮聒聒的前鐵馬叮嚀响
淡月影界窗紙似怎般淒涼他怎知真個是鐵石心腸也
淚垂朦朧睡忽聽得鴈聲兒叫過樓西

孤飛鴈

南來鴈聲嘹唳一個一個聲聲傳怨憶聽得心兒碎教我悶
懷堆積想因曲有鴈字故并其名而誤
也其板姑從萃雅然終屬杜撰

油核桃或作油胡
蘆井也

合上下文一觀，大似強增者，其詞應卽是油核桃耳。

作如木魚更叶。

南音三韻

散曲上

仙呂

二

告得鴈兒鴈兒，你暫停雲翅。鴈兒奴有封書寄，待奴輕將帛繫。

解三醒

此封書就煩伊傳遞，相煩你帶將前去。見他道：奴多傳示，問他道：幾時歸？當初共他如魚似水，撇得我長夜如年無盡期。相煩你把千言萬語說向他知。

油核桃

告得鴈兒鴈兒，你畧畧聽奴訴與鴈兒。與奴傳書去，教他早早回歸。

此當初共約一句
與琵琶其中自有
前金屋勾法一樣
失體蓋琵琶會用
成語成詞體而香
整浴而用之遂半
不可破耳必如我
兒喉得不耐聽句
平仄乃叶

解三醒

此封書煩伊傳遞從他去杳無書回欲言此情羞無比恐
牆外有人知當初共約在芙蓉帳到如今菊老荷枯猶未
歸相煩你把千言萬語說向他知

油核桃

告得鴈兒鴈兒這離情那人怎知鴈兒那廂樓兒上有個
人似你無二

解三醒

此封書再說個詳細切莫要與奴差寄那人住在天涯際

南音三韻

散曲上 仙呂

如此作語句自是
老手

門前有粉牆的青山傍着一帶溪。正住在流水橋邊畧轉
西相煩你若能勾見他討封書回。

川齊微韻內兒字紙字示字二字犯支思除字與字犯
魚模外字犯皆來。
時本有尾聲云離牙床拔衣起相煩鴻鴈通音書嘹啞
啞聲聲呀却元來是失群的孤鴈兒尾聲末句從無此
體調既不叶詞亦不倫明係俗撰今刪去。
此曲饒有古色頗能作無中生有之語非僅以閨詞奏
就者。○譜中宮調皆起仙呂卽北曲亦然故其第一折
必是點絳唇或入聲甘州此集首載此亦以仙呂故非
以此壓卷也。○別本有相思無底
一套似節取此調而爲之者附錄

八聲甘州

相思無底這幾日教人獨守香閨從他別後杳無半行

書寄。多因是他戀新情。忘舊好。別得我一日。三食如醉。

癡嘆息。何日裡得展愁眉。

前腔換頭

離情訴與誰。枉教奴暗數歸期。昔書修下。誰肯與奴稍寄。關山阻隔人又遠。瘦損香肌。他怎知。幾回挨不過。玉漏遲遲。

賺

默默傷悲。忽聽得南來一鴈兒。嘹唳聲聲哀怨。過樓西。夢驚回。慌忙拚枕。披衣起。燭付孤飛。那鴈兒。畧停翅。

奴行有紙情書寄。免伊稍過。免伊稍過。

解三醒

此封書說個詳細。從別後杳無書寄。見他與我多傳示。
問他到幾時歸。當初共約芙蓉帳。到如今菊老花殘人
未歸。心兒昧不記得。臨行發下盟誓。

前腔

此封書託伊傳寄。在路途切莫差池。那人住在天涯際。
門前有粉牆的青山。傍着一帶溪流。水橋邊畧轉西。相
煩你把千言萬語說向他知。

尾聲

鴈兒與人多傳遞，人生最苦是別離。醒却原來是夢裡，

仙呂八聲甘州 人籟

王漢陂 離恨

天長地久倚翠欄，適值黃昏時候。寒鴉飛盡，烟水滿江，悠
悠無顏對景還自羞。忽聽窗外瀟瀟風雨驟，倚樓嘆時
光去也難留。

前腔 換頭

悄然獨上高處遊，見四山如畫無限清幽。湘簾高捲，香霧
滾風輕透，澄波渺渺日夜流。心事如同不繫舟，

南音三籟

散曲上 仙呂

前合

此是五字起者之
換頭

止宜四字起，賜出
二字，須襯一字，
此調忽換韻起，以
戲場開白之体，
行字間字，可不用
韻。

鴉兒句，合詞妙甚，
下同。

不是路

何處鷓鴣聲啼起，教人不忍聞。萬種千行淚，灑西風，只爲
卿多愁悶。連天芳草，恨無憑意，騰騰浮雲，踪跡何時定。曲
罷魂消，不見影。淒涼景，痴迷江上，數峰青。教我恍然成病。
恍然成病，成病或作難認。

解三醒犯

見江山，有許多形勝，數不盡。短徑長亭，你聽棹歌聲，裡多
醕醕，無由禁那心性。覷那鴉兒，噪得不耐聽，怕只怕黃昏
最動情。身如病，情東風，將宿酒吹醒。

此用換頭得體，蓋一調與他曲間用，可用本調，若連用，則必須換頭，今人作第二曲，必欲與前一様，因并得體者，亦強之與前同，板可笑之甚，亂字可不用換。

時刻以蘆葦岸以下為第二曲，今依

前腔換頭

你看舊柴門數間相掩映，只見流水，孤村烟霧凝，那才

郎未審何故多薄倖，湘水碧，楚天清，洞簫聲吹不忍聽，喚

起瑤臺月一輪心撩亂，却都是別樣乾坤，別本缺不

非調萃雅去一輪二字，以洞簫聲吹喚起瑤臺月為一句，而另增照徹相思兩地人七字，

不知我鵝鴨滿渡船，或刻黃龍溪誤甚，拜月亭才郎意堅，官調我鵝鴨滿渡船，牢一曲乃黃龍袞也，與此毫無干

釣魚舟隨浪滾，只見傍水人家，戶半扃，時間天漸暝，時間

天漸暝，聽得邊城戍鼓暮，猿啼教人越添愁悶，蘆葦岸蓼

花江能解閒行有幾人，正是浪鷗眠未穩，只見水雲深處

譜正

詞隱生曰：疑亦誤。

澄波數點兀的不是野岸漁燈

不知宮調赤馬兒

數翦孤榮幽闌獨凭聽得幾聲離群鴈呀呀的飛過沙汀
山寺送來幾聲金磬人烟寂靜（合）那時許多清冷那時許
多清冷

○前腔換頭

此換頭與本調稍有不同

携琴再整流水泠泠高山絕頂個中名利羽毛輕個中名
利羽毛輕智者何勞絃上聲（合）前

前腔

詞隱生曰仙呂曲
有此調此又不同
疑亦誤

無憑寫贈。月滿空庭。梧飄金井。夜深戴月與披星。起向瑤階閒處行。合前

前腔

教誰管領。斗柄雲橫。銀河耿耿。薄衾單枕冷如冰。坐對寒燈眠未成。合前

不如宮調拘芝蔴

只見黃花滿徑開。池館紅衣褪。露濕巾。霜凝鬢。漏滴銅壺緊。天風吹起。四野悠揚韻。若得那人同歡慶。此時便是良緣分。

末句不合調，然語
能二字是韻字，而
恨字下脫二字。

尾聲

鱗鴻不與傳書信。千言萬語總難憑。焉能罷却良宵恨。

人聲甘州二曲。用尤戾韻。

不是路以下，用庚青韻。內聞字，輪字，坤字，滾字，悶字，人字，穩字，褪字，巾字，髻字，緊字，韻字，分字，信字，恨字，皆犯真文。

此套解三醒二曲，甚合調。後數曲，音律和協，故譜中俱收入。不知宮調內，應是審音者之筆，相沿以爲古調。萃雅以爲王漢陂想，或然耳，亦未確也。

仙呂八聲甘州 人籟

祝枝山 咏月

玉盤金餅看漸離滄海。飛上瑤京。冰輪不定，碾破素秋，千頃。陰晴不改，清虛體圓缺，常如一。樣明是誰將瓊樓玉宇。

修成

前腔換頭

素高處不勝清冷。想青娥應悔誤餌長生。青天碧海夜夜
(怎)禁孤另。銀蟾不管離別苦。玉兔難醫寂寞情。有誰憐桂
枝零落銀瓶。

不是路

雅字宜平聲乃叶
或倒轉作酒社詩
壇亦可
娉婷下還宜有一
字
處字宜用韻

一片(陰)精(占)斷乾坤萬古情。偏厮稱詩壇酒社俊雅人。太
輕盈蓋世上風雲都摠領。音天下烟花大主盟。娉婷從
頭細數風流處。萬般堪聽萬般堪聽。

南音三韻

散曲上 仙呂

解三醒

論春月最宜佳景。總一團和氣。盈盈佳人笑。道歡心稱怪。
秋月但傷神。照樓臺歌管聲偏細。映院落鞦韆夜轉。梁移
花影。這其間。惱成春色。好夢難成。

油核桃

論夏月可人心。性對蓮池紅妝。臨鏡柳稍頭。纔上天街靜。
却早人約黃昏。

解三醒

論秋月四時偏勝。到中秋分外精神。詩人不盡。南樓興闌

絲竹奏清聲、銀盤彩漾蓮、花白、(金)粟香浮桂子清、寒光瑩

真個是

玲瓏七寶表、裏通明、

瑩爲命切

油核桃

論冬月倍加清耿、與馮夷六花爭勝、玉團瓊屑交相映、(占)
盡了天地澄清、

解三酲

秦樓月

與

簫聲並冷、緱山月

共

笙韻雙清、西江月、醉曹瞞

恨牛渚月

泛

表宏梁園月、賦(音)塵絕、

長安月

練搗秋風萬

戶、刷人間景、

最堪憐

是曉行殘月、茅店

鷄聲、

刷居名切

油核桃

蛾池月妖嬌倍增羅浮月夢醒
 參橫瑤臺月舞青鸞影
 更有個海棠月高燭燒銀

解三醒

初生月蛾眉淡勻將曉月
 灣西嶺上弦月參差月露些
 兒鏡暈華月擁群雲南浦月
 彩雲夢斷歌蘇小廣寒月一
 曲霓裳舞太真重思省總不
 如西廂待月斷送鶯鶯

油核桃

梨花月溶溶滿庭楊柳月
 照樓心踟躕舞影梧桐月
 金鈴

一作楊柳月下香殿隱隱
相見門外吹金鈴

犬吠朱門靜。梅梢明暗香浮動黃昏。

解三酲

盡中是真文然此
字可不用韻

是恁的萬般清景。算都是明月擔成。月如無恨常圓滿。却
不是世人情。今人不見當時月。今月曾經照古人。心無盡
能。把嫦娥喚應問個分明。

尾聲

月團圓。人歡慶。天上人間一樣情。但願得常把金樽和月
飲。

用庚青韻內人神昏恨銀勾雲
眞字犯眞文深飲字犯侵疑

南音三韻

散曲上 仙呂

昔人以長空萬里與此套較優劣云覺此爲色相不知
律以古調本色長空萬里未嘗不色相也此摭述月景
亦富於彼道中自足稱雄卽元人北
劇咏物亦儘有用此法而逞才者

仙呂甘州歌

人籟

王陽明

恬退

八聲甘州歸來未晚。兩扇門兒，雖設常關。無縈無絆。直睡到曉。
日三竿。情知廣寒無桂攀。不如向綠野堂前學種蘭。歌。從
人笑。貧似丹黃金難買。此身閑。村庄學一味懶。清風明月
不須攀。

前腔

換頭

携筇傍水邊。嘆人生翻覆一似波瀾。不貪不慳。只守着
中流年。蟄。歲月一日一兩餐。茅舍疎籬三四間。田園少。
心地寬。從來不會皺眉端。居顏巷。人到罕。閉門終日枕書

眠。

解醒歌

解三把黃梁懶炊香飯任教他恣遊邯鄲假饒位至三公
醒顯怎如我野人間朝思暮想人情一似掌樣翻試聽那狂
士接輿歌未闌歌推連雲棧亂石灘烟波名利大家難收馮
銑築傅版儘教三箭定天山

前腔

嘆浮生總成虛幻又何須苦自熬煎今朝快樂今朝宴明
日裏且休管無心老翁一蓮鬆兩髻斑直喫到綠酒床

頭磁甕乾。妻隨唱。子戲班。弟酬兄。勸共團圓。興和廢。長共短。梅花窗外冷相看。

尾聲

嘆目前機關漢色聲香味任他瞞長咲一聲天地寬。

用寒山韻。內邊字、年字、眠字、煎字、宴字、犯先天、絳字、寬字、端字、管字、闌字、短字、瞞字、犯桓歡。

仙呂甘州歌 人籟

王雅空 郊遊

春眠方曉聽啼鶯聲巧。飛上花梢春遊懷抱。一旦豁然開
了。特選風月人三個。旋買清香酒一挑。新羅薄彩扇小相
逢。一笑出西郊。穿蘿逕過草橋尋芳不憚路途遙。犯見前

前腔
頭換

梨花間杏桃。向東風聞舞。百媚千嬌。村居茅店。綠依依樹。
遠週遭。悠悠遠望山頭寺。小小舟橫渡口。潮鶯鶯弄蝶拍。
敲柳枝輕擺。小蠻腰。香車滑。寶馬驕。鞦韆墻裏。咲聲高。

前腔
頭換

風光入畫描。縱千金難買。一刻春宵。香叢艷處。山童擺。
列春殺。謾將酒竿傳纖手。咲把花枝插髻毛。聯新句。揮彩
毫。藏闌勸飲。漫呼么。韶光媚。景致饒。幕天席地。樂陶陶。

前腔

盤桓興轉騷。更呼兒洗盞。重酌香醪。撇衣丟帽。亂紛紛鬧。
喧芳草。狂歌不怕傍人笑。醉舞何妨過客嘲。還堪戲正好。
樂無端。紅日墜林臯。權回首。且預邀。莫辭權會在明朝。

尾聲

醉扶歸。人烟悄。惟聞四境犬聲高。花壓重門帶月敲。

用蕭
豪韻

頻字疑字花字處
今人每用仄聲其
矣

矣字平聲乃叶

如此用成句自古
色

吾藥能治本重一
句吳聲偶見刻本
止一句逐字添總
有妙藥難治一句

仙呂桂枝香 地籟

陳大聲 春怨

畫樓頻倚繡床凝思。靜聽午夜蓮籌數盡。一春花雨。心中
自思。心中自思。與你何日相會。使我芳容憔悴。薄情的約
在元宵後。朱明又到矣。

不是路

燕子飛飛掠水來。尋梁上樓。這的鳥無知。尚尋着危巢和
舊壘。可以人而不鳥。如昏沉沉起。那堪亂亂愁千縷。除是朦
朧一夢裏。如何是。看看瘦削溫香體。甚藥能治。甚藥能治。

長拍

可厭

五行八字下脫一四字句

霧縠二句不合調

總有句本調下宜有末句宜七字句今如此填不可曉也句亦對想有誤板姑從草雅

南音三籟

仙呂

仙呂

十四上

淡淡_△湘山_△淡淡_△湘山_△悠悠漢水頃刻間暮雲遮住_△這是五行八字命運中合受分離對鏡自支願_△應_△禁他一點_△點_△粉容消_△膩兩_△蹙愁眉不盡苦_△分明是霧擁高峰難展舒_△空教人立化做了_△望夫石_△又不知天涯浪子知也不知

短拍

簪_△解_△琉璃頭_△簪_△解_△琉璃頭_△釵分鳳尾不成雙見了傷悲誰與訴_△妻其總有驚_△變象管難寫我萬愁千緒若遇多才傾倒似_△花向春皓月重輝_△末句應是花向春開月重輝便合調而詞義亦通矣

尾聲

鵲聲噪行人至。從此同行同止。不。放。你。獨自離家不
肯歸。

雜用支思齊微魚模三韻、
尾聲陡健舉自非近手、

第三句當如鳳林
變柔和他同乃叶
今用平平仄仄仄
平平非也

首句第四句當不
叶說別見昨夜春
薄也

仙呂醉扶歸 地賴

張伯起 怨別

相思欲見渾難見。果然是別時容易見時難。見時又怕起。
波瀾待教不見情難挽。見和不見兩頭擔。只索向枕邊夢
裡尋方便。

仙呂入 步步嬌

煎煎夢破陽臺遠。雲雨誰收管。屏山烟樹前。天上人間。
物移時換。盼不到羅袖藉香肩。只消受得疎櫺漏月清光
淺。

江兒水

行人面首四字用
仄仄平平乃叶

南音三韻

散曲上

仙呂

去

陌上朝來遇肉肉欲語難隔簾彷彿梨花面行人回首魂
俱斷東西岐路成長嘆似月被雲來遮掩縱有藍橋渡不
得眼前天重

園林好

嘆一刻千金果然盼一紙萬金難換何事衡陽無鴈自隔
斷玉門關再不到大羅天

五供養犯

不愁五字實如羅
登此狀情何限句
法後人皆用平平
仄仄不便先如完
妙之忠良應阻隔

夜凉水簾歌枕無眠意惹情牽舊愁流水逝新恨海潮添
轉轆轤轉柰金井碧梧人遠不愁歡會少只怕別離難上

明珠之便教肢體碎皆然珠碎後學

海撚指光陰又經時變

雙調 使使令 郎彩旗兒

玉簫期跨鳳寶瑟托啼鵲勝事春心渾拋閃抵多少一尋思一惘然

尾聲

明明依舊成歡悵喜重整巫山公案將兩下濃情對面傳

雜用先天寒山桓歡韻內掩整簾添悶犯廉纖閉口韻尤非之非也

仙呂醉扶歸 人籟 鄭虛舟

效於飛鴛侶天生就須知他福慧是雙修看星河織女共

南音三籟 散曲上 仙呂

牽牛信 三生宿帳原非謬。這些兒都是舊根由。似驂鸞仙
子騎鯨友。

皂羅袍

標格。江梅清秀。更腰肢官樣。纖媚輕柔。尊前皓齒映明眸。
星前密意符。滌呪。迴風舞燕。盈盈畫樓。隔花鶯語聲聲好。
速。當杯暗覺春心透。

仙呂入
雙調 月上海棠

恩未休。良緣不讓桃源後。關情是丁香枝上。豈蕙梢頭。笑
生花夜月芙蓉眉。着暈春風楊柳水。絃奏怕并州。孤客綠。

髻先秋。

江兒水

此曲結就雙雙句
便合調矣

莫學章臺柳

臨岐

盼遠游等閒折入時人手

結就雙雙鴛

鴛扣歌翻楚楚琵琶袖

錦帳重茵消受把個

眼去眉來慙

得個天長地久

雙調

僥僥令

當鑪

心

既有題柱志須酬莫向風塵忙奔走只合向碧紗

窗

將夙願勾

尾聲

休嗟當日難成就兩下終須是匹儔着甚多情先自愁

用尤
庚韻

仙呂望吾鄉 人籟

楊斗望 四景題情

爛熳春光妝成錦繡鄉。嬉游綺陌人來往。覩他鶯燕迷花柳。聽簫鼓鳴街巷。三春景况共賞。負了名園上。

。傷粧臺犯

畫初長。只見御泥來往燕兒忙。高柳蟬聲細。堆角黍慶端陽。見十里湖光好。國舊花開放。三伏景况共賞。負了亭臺上。

。解三酲犯

起金風透簾入幌。井梧飄露華清爽。庭前桂子香飄蕩。正

詞隱生新語。以此末句改作等閒莫負水亭涼。以為此倚妝臺本調然觀上下曲則犯望吾鄉無礙。

風雨近重陽。羞把黃花亂插烏紗側。端的是勾引西風入

鬢。傷重吾。三秋景空共賞。休負了龍山上。

掉角兒犯

野梅開橋邊水。傷凍雲垂雪花飄蕩。望江湖飛。會隱藏兒

青山萬層疊。嶂慶嘉祥。低低唱。泛霞觴。毛羅。畫堂中慢設

銷金帳。重吾。三冬景空共賞。休負了歌樓上。

用江陽韻

詞隱生以掉角兒中一段又是一體存之可也。不可學不知此句乃又犯毛羅犯也。

此四時花大同

小異他則竟作四

時花非也其說見
蘇樓方是館人乃
四時花本調

策冷二字與未冷
字似作平聲乃叶

話字聲字聲字或

用平聲薄字或用

仄聲皆不協律之

甚善惟事字稍字

并字或用平聲評

字或用上聲則不

効也

羽調四季花

人籟

梁伯龍

寒宵
閑愁

黃鶯

寒氣透疎櫺

兒

正憲兒破風兒猛背却殘燈

金鳳

愁聽高梧露滴秋夜清

南山子規啼一聲月沉西門暗扇

皂羅

曉鐘何處噹噹五更

金鳳

薰籠坐倚直到明轉轉

夢

不成

難道便一生孤另奈香冷篆冷冷枕冷人冷

商調

集賢賓

六朝舊事心隨評消磨多少豪英朱雀烏衣曲話柄記潘

如蓮步輕盈景陽廢井多半是佳人薄命須自省盡沉沒

暮天鴻景

青囊記末四字離愁多少離字若
讀平聲甚不協律應作利音乃是

南音三韻

散曲上羽調

簇林鶯

簇御^兒還懷舊自^兒幼齡播蜚聲滿上京長干歷遍諸名勝黃
鳳凰臺畫登燕子磯曉行莫愁湖上春風艇總無憑年
華已矣何事負平生

已字用上聲妙甚

琥珀猫兒墜

而今憔悴獨對短檠燈眼見淒涼逢暮景當初離道^兒伶
仃牽情羞覩那烏鵲橋邊匹配雙星

匹配雙星用仄平
平仄亦可但格
二字平聲不可換
耳

水紅花

海盟山誓信非輕數年庚^今成畫餅一生寂寞竟何曾問

儒卿(卅)心誰等。挽不去夕陽西下。遣不去恨難平。這場恩
怨。不分明也囉。

尾聲

嘆行藏。頻看鏡。大都塵世。摠浮萍。不如靜掃花前學誦經。
用庚青韻。無一字傍犯。伯龍之出色者。豈其晚年已知用韻乎。

以作案帶兒可厭

發風流台三十傳

可花磨月恨一曲

神欲記十年方學

一曲多用四字起

乃其本調自此曲

盛行而人不知其

天體失

石醉太平本調起

則不須上二字因

此乃第二曲故用

換頭者是

衍中及後送春句

近字似及聲妙若

用平聲師索然矣

正宮白練序

人籟

高東嘉 詠柳

窺青眼

葉葉

顰眉效淺妝。渾一似想着故人張敞。搖颺。

萬縷長翠織就

新愁。榮斷腸偏空向朱門。羽戟畫橋游舫。

醉太平

頭換

惆悵。藏鴉未穩。早攀採贈別空與。人忙。隋堤。漢苑。都非。是

舊日風光。堪傷。三眠春夢。設悠揚。有誰問。瀾陵無恙。倚闌。

凝望。消得幾番暮雨斜陽。

白練序

頭換

淒涼。古道傷青青數行。消魂處。聽得幾聲鶯。鶯。簫郎。信。

砂茫護 畱下當年繫馬橋空挹快傷春瘦得楚腰宮樣

醉太平

輕狂花飛似雪乍高欲下隨風飄蕩拋街傍路無拘管市
橋村巷端詳香毬滾滾散苦堦好飛度綉簾朱幌送春南
浦遺踪化作翠萍溶樣拋街傍路或作撩人撲馬似勝

尾聲

流水游魚吹浪響舟橫野渡清晝長勾引得 蟬聲噪晚涼

用江

陽韻

末句推開一步意作收便有致終是昔人之筆若
他詠物者止湊本題字句完腔而止豈不索然

8 正官白練序

人籟

王雅宜

味草

春烟暖

正

脉脉遙看似有無斜陽外幾家斷橋村塢閑步

望遠坡

補

抹翠描青成畫圖空懷古池塘雨歇夢回南浦

醉太平

頭換

堪觀

東風暗

長總

一般意思妙手難模無媒徑路相映半

白頭顱

馳驅王孫何事在長途好歸去又驚春暮古城陰

處寂寞眼前細柳新蒲

白練序

頭換

模糊翠

簾鋪

六朝舊都

南

郊外

有

許多斷碑荒墓辜負恨

轉多。滴盡虞兮奈爾何。空湊楚青青漢塚。怨雲泣露。

醉太平

堪娛芳情未歇。細粘輕觀落花飛絮。閒門要路。點檢世情如故。須臾莫將心事付樵蘇。只留下亂螢飛度。雨欺霜妬。紅塵翠陌可憐焦土。

尾聲

一點春暉難報補。東風野燒吹又甦。試看取韶華遍九衢。

用魚模韻 內坡字多字何字犯歌戈
裁唐句填尾可厭末句更無味滴盡虞兮無調概以草
中有虞美人耳
如此用事可笑

正宮白練序

人籟

楊升菴

秋思

西風裏

見

點點

昏鴉渡遠洲斜陽外景色不堪回首寒驟

謾倚樓

索

極目天涯無盡頭消魂久淒涼水國敗荷衰柳

醉太平

換頭

羅袖琵琶半掩是當年夜泊月冷江州虛窗別館難消受
暮雲時候嬌羞腰圍寬褪不空秋訪青鏡爲誰憔悴海盟
山咒都隨一江逝水東流

白練序

換頭

凝眸古渡頭雲帆暮收牽情處錯認幾人歸舟悠悠事已

南音三韻

散曲上

正宮

廿四

休總欲致音書何處投空追究光陰似昔故人非舊

醉太平

颼颼霜林闌葉更風簷驟馬夜堂飛漏白雲去遠那堪值
雁南歸後衾裯空餘蘭麝伴薰篝冷落了竊香韓壽背燈
獨守寒生兔窟露凝鴛鴦梵蒼
救切

尾聲

在蒲韶華逢九九登臨怕惹無限愁儘開遍黃花不上樓

用尤
庚韻

正宮白練序 人籟

梁伯龍 咏梅

春光早漏泄向南枝信已傳終不負舊日故人青眼初見
野水邊設索笑偷香情暗牽真美東風占却萬花魁選

醉太平

深院相思夜冷正暗香疎影忽到窻前水肥照眼那許蝶
鬧蜂喧堪觀黃昏東閣舊姻緣也曾侍翠屏春宴萬般消
遣真個勝似跨鶴腰纏

白練序

換頭

逋仙眼望穿恩情萬千西湖上只落得幾迴清顛踟躕落
舞筵似髻亂欽橫遺翠鈿无堪戀影粧試出壽陽宮面

醉太平 換頭

嬋娟羅浮夢裏淡粧素服風流無限。參橫斗轉惆悵翠禽啼怨。雷連誰家羌笛妬春妍。怎禁他碎瓊飛片。雨微金重調羹又入傳巖商殿。

尾聲

桃李繁華綠分淺。疎狂冷淡滋味全。畱取心腸鐵石堅。

用先天韻 內服限字
犯寒山觀字犯桓歡

此曲與古詞甚合
若化曲如感并宮
愁越重又新此間
牙檣動與此不同
若今人皆以小滑
天樂目之

秋潮秋字用乃聲
始妙如用仄則長
字宜作平聲

正宮 普天樂

天籟

陸包山

怨別

武陵花春難放。壽陽梅粧不上。冷落了傳粉何郎。再休題
畫眉張敞。草臺楊柳一任風飄蕩。那折柳人兒空矣想寄
相思紙短情長。夢相思鶯喧蝶嚷。訴相思拜月燒香。

鴈過聲

頭換

淒涼銀燈翠幌。雲雨隔巫山。楚襄朱明一紙書。說端午
過又重陽。總金錢教我難上行。藏多情心太爽。那時序
臨霜降。只恐愁與秋潮連夜長。

傾杯序

頭換

此用換頭者，本詞
自有陳絕檢露領
烟林映峭壁，其
正詞，讀者辨之。

南音三韻

散曲上

正宮

共六

閒想歡娛事，誰主張。何處告相思，狀恨鸞鳳釵，媒鴛鴦帶。
累翡翠，含窩鵲，調謊。又不覺，惱中畱意，怨中垂泪，恨裡
思量。這冤家，繫人心，下刺人腸。
鸞鳳四句，句法一樣，則窩字當是汚字，或孤字之誤。

芙蓉犯

玉芙蓉，愁邊信渺茫。夢裡人來往，能勾做一個不醒黃梁。
和他睡足芙蓉帳，把隻鳳孤鸞化，蝴蝶雙。
別銀參商春風洞房何日得明珠在掌。

小桃紅

撇不下，真磨障。憔悴了，嬌模樣。朱絃玉管無心响，花蘼柳

此與趙詞小桃紅
不同，或作山桃犯
亦非。

宴和誰賞。登樓倚戶空凝望。寸心兒惟有萬種悲傷。

尾聲

一天愁緒眉尖上。何處能消半晌。且燒燭堦前照海棠。

用江陽韻

警句叠出大能生做足占勝國之場吳騷刻以陸包山恐非爾時一輩人所能也陳秋碧馮海浮庶近之耳

正官 普天樂 地籟

沈青門怨別

建安才河陽貌從一去却無消耗別時節淑景初交暮

又把芳時過了一秋易到可意人難到觸處無端成懊惱

對瑤琴玉軫愁調向粧臺蛾眉怕掃寄香囊綉字慵挑

南音三類 散曲上 正官

鴈過聲

頭換

無聊。況復奏巧風。和雨縱橫正飄。時間鐵馬偏聒噪。夢難
成。恨難熬。更漏聲。將盡。譙鼓頻敲。鷄聲又早。寒蛩抵死。在
窗。前。哨。不由俺。愁悶。攢。更直到曉。

傾杯序

頭換

蕭條爽。漸生暑。漸消寒。鴈又呀呀叫。看滿徑黃花。滿林紅
葉。滿地蒼苔。心兒轉焦。有誰憐瘦損。幾番夢醒。畫眉人杳。
不由人怨殺。暮暮更朝朝。

玉芙蓉

參差玉珮搖。恍惚銀瓶掉。好姻緣。做了有下無梢。峰頭夢斷。難重到。洞口桃開。怎再邀。
把些恩和愛。如強在浪淘奈。

江深沒底枉徒勞。

小桃紅

寫罷了。題文稿。打疊起離鴻調。愁來待把菱花照。須知不似前春好。畫圖如寄。應饒笑。傷丹青。
時復擎管羞描。

尾聲

孤辰限。豈自招。知甚日。于飛相效。
也免得兩下東西似伯勞。

用蕭
豪韻

有下無稍語似諺俊甚小排紅愁來數句肯
以一意貫下描寫便勝于逐句軒奏者多

正宮普天樂

人籟

無名氏 怨別

人有以此改作
魂玉者不知北
有魂玉南宮
有四魂金在仙
口入雙調中並無
一魂玉并改之可
如此

四時懽千金笑從別後我也多顛到俺這里玉減香消他
那里朱圓翠繞婚姻分內想是緣不到却把鸞釵輕分了
恨茫茫水遠山遙悶沉沉雲深霧杳困騰騰夢斷魂勞

鴈過聲

換頭

終朝院落靜悄徒然有龍香鳳膏鸞笙象板無心好萬般
愁萬般焦這悶懷端的教我難熬空教人易老那堪暮雨

入聲
二致字下用韻
三致字下用韻
四致字下用韻
五致字下用韻
六致字下用韻
七致字下用韻
八致字下用韻
九致字下用韻
十致字下用韻

品字如月如風

簷前鬧比春
倦淚珠兒兀自少

傾盃序

頭換

思着掩翠屏冷絳綃寂寞
向離行告推幾個黃昏幾番明
月幾度青燈誰和我知道
把歸期暗數寶釵劃損畫闌雕
巧不由人罵做薄倖絮叨叨

玉芙蓉

金鑪香篆消寶鏡塵埋了數歸期一夕又還一朝薄
小簾殘鐘曉暮雨梨花魂暗消相思債多應是命
所招算人心不比往來潮

南音三韻

散曲上 正官

小桃紅

釋三言五言七言

誤約在蓬萊島冷落了巫山廟愁雲怨雨羞花貌精神不
似當年好燕來鴻去無消耗委實的教我心痒難撓

尾聲

淒涼運莫再交但願得鴛鴦會早莫待秋霜上鬢毛

用蕭

豪韻

此套世俗所共賞然只是常詞無破綻耳無大警處萃
雅刻以高東嘉非也應亦只是梁少白鄭虛舟一流人
筆

此曲後二句雖犯
王美惡而刷字序
首句又非五字起
然又犯他調者今
人又將驚冒句唱
差自此曲盛行而
世遂不知有刷字
序本調矣今人點
板存驚字圖字上
不知此句亦是王
美惡亦當如此點
法

正宮刷字序犯 人續

劉東生四時花怨

雲雨阻巫峽傷情斷腸人在天涯奈錦字無憑虛度花春

韶華嗟呀春晝永朱扉低亞東風靜綺簾閒掛玉芙蓉黛眉

懶畫彈宮鴉鬢邊斜插小桃花乃月亭書齋數樣

○山漁燈犯或作虞美

燕將雛逢初夏夢轉華胥風弄簾馬閒局了刺繡窻紗香

銷寶鴨那人在何處偷歡耍空辜負沉李浮瓜寂寞懶池

塘鬧蛙庭院日長誰憐我枕簟上夜涼不見了他多嬌說

愛風流俊雅玉芙蓉倚闌干猛思容貌勝荷花刺音

南音三韻 歲曲上 正宮

○普天樂犯

景淒涼人瀟灑何日把雙鸞路怨薄情空寄鸞箋相思句

彈粉泪句郎琵琶記原盡苦誰憐我

盡續琵琶彈粉淚濕香羅帕暗數歸期在夕陽下動離情

拜月亭須念我字

征鴈呀呀無奈心事轉加玉笑對西風病容消瘦似黃花

此概一混字而後人皆作七字句矣

事字改平聲尤妙

今人以此曲為針線箱犯又改補為

○朱奴兒犯

又將轉字一板點在轉字上又將

漸迤邐寒侵繡榻早頃刻雪迷了鴛瓦自恨今生分緣寡

分字點聲板又重

紅爐畔共誰閒話話啼罷托香腮悶加玉笑膽瓶中懶添

唱紅爐畔句又于

雪水浸梅花

雄字下增人字又

改語時作轉響反
字作溫皆謬甚

尾聲

重相見兩意加憶昔傳杯弄筆莫負年華四季花

用家
麻韻

8 正宮 刷子序犯 人賴

楊升菴 味燕

秋字宜用韻乃擅
字難推

南浦雨初歇雙雙去來飛掠輕烟記草色花香南國風景

依然情牽尋故注重來相見薔薇老鞦韆庭院薄羅小扇

倚嬋娟把舊愁新恨語相傳以下四曲
犯見前

山漁燈犯

綠陰濃芳倦寂寞情踪聊自消遣提傷處王謝堂前張

下字宜用韻

南音二錄

卷一

上

州一

衡館下碧闌清晝樓雙剪還羞向夜蝠爭先誰憐抱離懷
萬千休嘆回首家鄉遠平生待要翱翔在雲漢邊昭陽殿看
珠簾半捲逞輕盈堂中歡寵舞蹁跹

普天樂犯

柳飛綿重門掩兀自把殘春戀夢魂勞千里孤雲天涯路
浪逐流年胡種漢族憑誰辦知己春風又相見任翁孫冠
服皆玄詩句曾寫錦箋繫紅絲玉京仙子舊姻緣

朱奴兒犯

夕陽裏鄉心更切寒影落碧溪清淺夜半秦樓月華滿空

切字宜用韻亦是
十字轉聲

還字音旋方叶

惆悵桂開庭、院時序換、情西風送還整、烏翅彩雲重、許駕飛軒。

尾聲

多飄泊、上爍播遷塞北江、上南幾轉、上卅整備來時二月天、

用先天韻 內掩字犯廉 纖滿字換字還字犯桓歡

南音二韻 散曲上 正宮

此曲與前叙已治
家邦正同此序
最難一曲天
小異然則時言句
止七字如前叙皆
陶潛所作阮郎往
月亭鞋直上可見
至廣是也今此句
當作十實字而紅
拂記居龍劍上字
亦然後人改者科
給而舊體更如矣
此詞與前序字
越重正同非前四
序體千金暖調也
正世人所謂小
天樂者耳

正宮錦纏道

人籟

沈青門

滿帆風吹不動離人小船愁重滯江邊
春天我想他別時言送時情行時淚
意馬心猿說什麼好姻緣
破題兒見柳愁花怨江關信
杳然何日覩桃花人面怕夢魂依舊在清源

普天樂

記銀燈思金釧鳳鸞交蜂蝶戀青樓上
錦帳瓊筵今番做
怨鶴啼鵲是當初偶然再休題
琵琶醉我花前

中呂

古輪臺

明發七字句，如「
 陽關三疊」，傳
 此是也，亦可用五
 字句，然必用韻，此
 上字平，下字用韻，
 韻字下平韻，且正
 於聲淺四字，文字
 又屬上平，遂體三
 字句，屬下句，法全
 不合矣，恐有誤也

今明此法甚大

薛音三韻

薛音一

薛音

世

艷陽天隔墻裙底弄鞦韆笑歌聲淺孤蓬裡有客羈栖對
 此春光番惹出一段熬煎燕解離愁鶯知別怨一雙雙
 轉話江烟又恍是傳消寄息把佳期約在明年怕只怕一
 灣流水半窗殘月幾村漁火寂寞對愁眠難消遣一瓶香
 噴惠山泉

尾聲

彩雲望斷春波遠空寄鸞箋鳳柬只落得
 船在章臺淚滿

用先天韻、白眼字、東字、犯寒山、
 起處甚陡餘不備

此錦庭樂下闕近
有以正宮錦庭樂
芳容音律調庭樂
者非也但清麗芳
止有中呂引六更
無通曲不知此曲
從何來耳
首句餘字還宜用
韻
詞體生以音天樂
病和意用六字為
失體宜如白虎記
行行淚滿袖今以
和字斷字作破則
合詞矣
第四句若用八九
字句則當增一板
而末二字截出在

正宮錦庭樂

天籟

陳大聲

春怨

滿簾滿庭更那堪被兒餘枕兒單春寒較添夜雨響空窗曉來呵殘紅
病病深如天慙這病深如天慙普天病和愁兩厭病厭病當心厭愁在眉

前腔

錦鱗稀塞鴻遙書沉信淹江樹眼空騰怯梳粧塵緘寶奩
常則是倚闌干數歸期屈損春纖霧帳雲屏虛占海誓山盟無驗針和線懶去扣靈犀一點無計扣針

附錄

尾聲

春閨有日來雙
漸相逢一笑兩
謙謙玉薄姻緣
許再會

用廉纖韻

此用韻甚嚴而妥詞亦不凡

正宮傾杯賞芙蓉

人籟

傷升菴

離思

傾杯隔牆新月上梅花細閣吹燈罷。驚忽地冷了瑤琴。撇

下簾。倚了薰櫺。放了琵琶。玉英那些個春宵一刻千金。

價。畢竟夜靜三更萬事差人牽挂。控心猿意馬。這浮雲游

子何日別京華。

玉芙蓉

相思夢見他。夢裏多懽耍。醒來時依然人在天涯。鴛鴦對

對成虛話。做蝴蝶紛紛過別家。奴生怕怕的是金鷄和鐵

馬。悄不覺催雲送雨到窗紗。

詞隱生謂不知犯

等二曲

何詞雅雅以為犯

勢天郎但路柳牆

花四字平仄少異

又勢天郎是南日

且是其中段非末

段佳也余以為末

二句又似別子序

姑闕之

南音二類

散曲上

正宮

世六

普天樂犯

聽更籌頻頻下、淚滴滿、鮫綃帕。料多情、別有嬌娃。把我認、
做冤家。○當初來嫁、星辰應犯、孤和寡。使今朝、錦帳文鴛、
做了路柳牆花。

朱奴帶錦纏

朱奴、鎮日裡粧聲作啞。捱一刻、勝如一夏。問張郎、何日眉、
重畫。玉簪兒、打得酸牙。道、錦纏兒、腰瘦不、堪把。飢時不、
飲渴、時不用茶。弄得人、憔悴。一回煩惱、一回嗟。

尾聲

海山盟、丟開罷。枉自去燒龜甲。把美滿恩情、做浪滾沙。

用家
麻韻

時人皆以此為石榴花誤也石榴花

自有本詞

石榴花第二句空

七字句第家傳

暫因鄉故守清貧

謝錢記忍將身命

掩黃沙是也此小

異

諸中榴花泣第四

句尚是石榴花一

七字案句第五句

乃犯泣湘面與此

異

中呂榴花泣

地籟

梅禹金

東寄

石榴

折梅逢使

煩寄

到金陵

是必見那芳鄉

將咱言語記

須真

面

一一

的說

與他聽

自別來

到急煎煎

遣不

去

心頭悶

似楊花

覆去翻

來如芳草

削盡還生

前腔

憑高眺遠

望不見

石頭城

重山障

亂雲凝

茫茫都是

別離

情只

落得淚

眼盈盈

恨不能

生羽翼

到妝臺

訴與

千般

恨有誰

人知我

裏情惟

明月照

人方寸

喜漁燈犯

漸覺以下不知犯何幾調幸雅以為說與他我決二句犯玉芙蓉面泛四句犯豈葉黃皆影響耳非確論也余謂漸覺句似漁家燈說與他我決二句似別銀燈說與他怕聽句復似漁家燈止酒泛金樽四句不可考耳鍾聲以下本調原犯別銀燈者

佳辰幾把闌干凭也。只為（思）知我日夜相思。竟忘餐廢

（寢）知我近日多愁悶。○漸覺帶圍寬褪。說與他我決不

學王魁行。說與他莫學蘇卿。說與他酒泛金樽。我也無心

去。（飲）說與他絃斷瑤琴。我也無心去。鑿說與他怕聽鷄鳴。

喜漁燈。鍾聲報黃昏。送五更。那時節。我的愁悶轉增。（蘇卿）

作蘇小卿。故佳期重會一曲。便作有上稍來。沒下稍。一七字句。與拜月別銀燈一聲愁氣作一聲聲。愁和氣正同。

瓦漁燈

瓦盆。一想殺（您）初相見。至誠想殺（您）笑來迎。想殺（您）體素。

兒俊。想殺（您）花月下。好句聯。想殺（您）呼着。小名低低應。

瓦盆兒本調首句與此異。此句極似漁家燈。

此篇漁燈乃雁魚
錦第四曲末二句
犯雁過將者與前
不同

想殺對蒼天共盟想殺臨期執手苦叮嚀山漁這
腸事畧畧訴您知已話也難說與君聽喜漁正是勿勿萬
般說不盡煩君去傳與我多情他若聞必然淚零只怕他
淚痕有盡情難盡落得兩處一般愁悶索

尾聲

梅花香裡傳春信報道江南一種情莫學凍蔬寒葩心上
冷

用庚青韻 內真字悶字恨字寸字褪字
盡字信字犯真文今字您字飲字犯侵尋
此曲時所盛行萃雅以為唐伯虎非也相傳是梁少白
而吳騷以為梅禹金二公不相遠今從之然時有真語

尾亦小有致不似少白定
爲詞障者豈其悔近是乎

中呂榴花泣 人籟

陳大聲 夢回離思

佳期重會

約定

在今宵人靜悄月兒高傳情休把外門敲

輕輕

的

擺動花梢

見

紗窗上影搖那時節知是才郎到又

何須蝶使蜂媒早成就鳳友鸞交

以下犯調見前

前腔

誰知薄倖

誤我

好良宵房櫳靜守寂寥風吹竹檻影蕭條

只

落得夢斷魂勞

嘆

離多會少楚陽臺回首關山杳負雲

雨翠減香消爭奈路阻藍橋

喜漁燈犯

轉字不化何如

此莫是他別惹二
句方似玉芙蓉則
第二莫是他三字
皆襯

夜深剔起銀釭照。隻影悄。暗想道昨夜歡娛待今宵更
好。怎知別後絕音耗。鎮日裡牽懷抱。莫是他別惹閑
花草。莫是他有上稍來沒下稍。我爲他。臉兒憔悴眉兒倦
掃。我爲他茶飯不慌神。思縹緲。我爲他。只落得。心焦無聊。
這離情。怎消。漫贏得。潘髻沈腰。

瓦魚燈

頓忘了對星月禱告。頓忘了共吟嘲。頓忘了表記鞋兒小。
頓忘了詩篇上寫滿鮫綃。頓忘了春山是奴鈎線巧。頓忘

了把盟香共燒。頓忘了香羅上一點染紅桃。這相思病。一時間怎消。連理債何日償了。正是落花有意隨流水。無情的流水滔滔。剛道是薄命所招。把金錢暗卜。沒分曉。欲待告天天又高。

尾聲

還得見。怎忍饒。恨不得一句將他罵倒。及至相逢依舊好。

用蕭豪韻

此與折梅逢使一曲相斂而成者。何其遺調之絕肖也。

市昌瓦盆兒

地籟

沈青門

閨思

相思到底爲他害得不分明。金星夢玉關情。我爲着別離
兩字等閒輕。因此上鴛鴦陣擺做了愁兵。未知道自別來
他心似我心。他應恨魚沉鴈杳。不道我仲宣愁相如渴翻
成病。枉教我孤枕對殘燈。

榴花泣

石榴誰知一別。便有兩三春。怪楚樹隔湘雲。只見天邊孤
月幾圓明。紗窗半掩。一派冷清清。面顏。淒涼淚零。把不住
幾陣渾身冷。飲弓蛇空害心。驚照石鏡。見他無影。

喜漁燈

梅花不寄江南信。
 消愁悶。相思債。下了前生到如今。
 怎生。怎生了。却心頭病。虛擔着剝雨殘雲。風情全無半分。
 斷人腸。何消幾分。

尾聲

叨叨絮絮說不盡。只爲着些兒在。
 好一似魚餌金鈎線。

引針

用庚青韻。內春字、雲字、信字、分字、盡字、犯真文、心字、針字、犯侵尋。有一二真至俊語、便自起眼、與漫衍者自別。

中呂尾盆兒 人籟

鄭虎舟 閨怨

教人對景無言終日減。芳容恨、變損兩眉峰。木知道垂楊
何處繫青聰。則他這近鶯花冷落。了芙蓉空教我爲他時
終朝悶轉增。好教我越添疾病。枉了我行時思坐時想。成
孤另。我罵你薄倖沒前程。

榴花泣

石榴

相思終日

有十二個

悶時辰空目斷楚臺雲

只見寒

花

鴉聲裡報黃昏。香消誰焚。被冷倩誰溫。泣顏無言自料料
應交寡宿孤辰運。一身愁兩下。平分不穩的恁生安頓。

與鱸魚錦第四曲
不同
今人于減字下增
一似字改般字作
半字復添作消瘦
皆非也
因循以下犯別保
燈

南音三韻

散曲上

中呂

四二

○喜漁燈

幾番欲把金錢問。恐無定准。今春病不減。前春都一般。爲君爲君好事縈方寸。東風掃斷夢勞魂。因循看看瘦損。比梅花瘦添幾分。

尾聲

頻占卜。屢問神。暗憶當初枕畔盟。一似楊花水上萍。

用韻甚雅。先以東鍾起。第五句忽轉庚青。而雜犯真。又如此安用韻爲真。文猶曰強似東鍾絕不倫矣。

中呂瓦盆兒 人籟

梁伯龍 秋夜悼亡

虎堂坐雨。西風蕭瑟起。林皋聽落葉。小窗敲。怎禁他雲房

獨掩夜寥寥。空贏得淚痕濃。黯淡了鮫鮪誰憐我破題兒。
新秋第一宵。你何處絕無音。耗想那里郵亭稀鴈魚少書。
難到詠楚些魂斷倩誰招。

榴花泣

簾櫳深處常獨伴。那多嬌。今只剩影瀟瀟。只見妝臺塵瑣。
翠鈿拋羅衣帶結。猶繫紫絲絛。記恩多怨少。十年心難對。
傍人道。漫追他舊日風儀。祇憐伊病來容貌。

喜漁燈

幾回欲覓巫山廟。怕飛夢香陽臺下。空雨暮雲朝。雖則是

遇伊遇伊又被鷄驚覺。鴛鴦冷轉覺無聊。烟消風花露草。
好添香寒灰怎燒。

尾聲

蓬山隔雲路。遙何日間。吹明下簫腸斷東風第五橋。

用蕭豪韻

一啓口一煞尾便是伯龍故技然如郵亭稀等語入閨
思則不管尋常今作悼亡無聊之想遂覺有意故作詞
只看用之如何耳

詞隱生日：舊譜及舊戲曲皆無此詞。惟譜中與野菊相消一曲，舊題曰好事近，實則泣顏回也。好事近本詞，惟有此曲及風月兩無亦二曲，其名不知何所本也。

此詞與拜月亭壁堆正同，他如新飲治家類紅棉本詩學等曲皆多一句，氣字用韻更好。

中且好事近

天籟

陳大聲

怨別

泣顏回。曉的上心來。教人難想難猜。同心羅帶，平空的兩下

分開。利子傷懷，舊日詩囊猶在。詩中意，書寫得來明白。

歸期一年半載，算程途咫尺，信金垂底。

正宮 綿纏道

托香腮，懶梳粧。情臨鏡臺，無語自裁劃。正芳年，又不道色減容衰。怎知他前言盡改，咱須是暫時寧耐。殘明好難推。孤辰寡宿，時該命又該，不索長吁氣。貨人天自有安排。

普天樂

此正世人以小普
天樂自之者。然四
時惟千金笑。及兒
夫一向留都下。不
同。

山字宜用韻解字
不必用韻。
末句還宜七字。

側叶齊上聲

南音三籍

音韻

正音

四

畫闌前湖山外見丹也深深拜月圓時人未團圓望蒼穹
鑒察憐哀郎似反把些個溫香軟玉做了糞土塵埃。

中呂

古輪臺

恨多才萍踪浪跡寄天涯繡幃錦帳春風夜自有許多恩
愛豈料如今翻成做破鏡分釵剩兩殘雲等閒消盡是誰
別壘楚陽臺有傾城嬌態把從前誓海盟山做水消瓦解
念餐廢張勞魂斷夢肌骨瘦如柴慙慙害花月總沉埋
尾聲

黃昏更是無聊賴斜倚定薰籠半側羞見燈花一穗開。

東山山
知他見不見

用皆
來韻

中巳好事近

人籟

毛蓮石 秋閨

風月兩無功。枉使心機牢籠。巫山雲雨。一旦杳然無踪。隨風奈聽。譙樓更鼓。暗數着。又打三鼓。寂寞恨。更長漏永。便做歡娛。夜短却共誰同。

正宮
錦纏道

路難通。料隔着雲山萬重。空蹙損兩眉峰。暗消魂。沒情緒。對着孤燈。有愁來全仗酒。哄愁依舊。醒時還同。昏鼓又晨鐘。韶華在。歸期尚未逢。怕染潘郎鬢。被他依舊笑春

風。

○普天樂

萃雅作錦
庭樂誤

去聲。曲。此。天。不。得。月。情。此。散。曲。時。近。沙。錦。帳。開。山。山。不。可。此。則。人。皆。以。此。為。目。之。

減芳容。愁越重。罷却了描鵲鳳雕簷。畔鐵馬叮咒。紗窗外
絮聒寒蛩。砧聲又攻更。那堪鴈聲嘹唳。長空。

中呂

古輪臺

恨無窮。西風蕭索。助秋容。別來許久。無音信。寒衣誰送。寄
語君家。料想是迷却芳叢。誤我佳期。好天良夜。欲將心事
問孤鴻。當時曾共。翠被寒時。復香溫。到如今。蓬鬆兩鬢。
釵橫髻亂。修眉懶畫。別後苦匆匆。思前事。教人心下。氣冲。

紙字宜用韵

冲。

尾聲

蕭蕭敗葉敲窗紙。悶對殘燈午夜風。展轉無眠聽曉鐘。

用東鍾韻 內燈字犯庚青

此與堯的上心來一曲同爲時尚然力量不及多矣止
得陡然一起句

此詞舊皆以為好事近今覺的上心來犯調既名好近則此應仍其本名

雖至有此曲

中呂泣顏回 地籟

高東嘉 春游

東野翠烟消。喜遇芳天晴曉。惜花心性。春來起得偏早。教人採取。問東君肯與我。春多少。見了。鬢笑語。回言道。昨夜海棠開了。

前腔 換頭

今朝特地到西郊。端的是萬紫千紅。爭巧。花情酒債。一生被他縈擾。雕鞍駿馬。會王孫貴戚。把金樽倒。有時節。沉醉花前。把金丸墜落飛鳥。

千秋歲

杏花稍間着梨花雪。一點點梅豆青小。流水橋邊流水橋邊。只聽得賣花聲聲頻叫。鞦韆外行人道。粉牆內佳人笑。笑道春光好。把花籃旋簇食櫺高挑。

前腔

俊多嬌。他只顧貧惟笑。却不道。冷被人瞧。綠柳陰中。綠柳

越恁好

卷一百一十五

鬧花深處鬧花深處
 滴溜酒旆招牡丹亭左側
 尋女伴

詞隱生曰此調創見于此曲後人又衍爲乍晴還乍雨一曲此後江東白

琴及玉合記皆用此體然此詞畢竟無來歷拜月亭有辨集紅隻一曲孫權記有告伊聽勝一曲為最古而今人漸不知矣自翠魏魏以下與舊詞絕不同又恐犯別調難以查明終不可用然其詞甚佳

闌百草翠巍巍柳條翠巍巍柳條見忒楞楞鶯兒飛過樹梢撲簌簌落紅舞翩翻粉蝶兒飛過畫橋一年景四季中惟有春光好向花前暢飲月下歡笑

前腔

乍晴還乍雨乍晴還乍雨暖融融景致鏡見游人往來貪懼笑舞鮫鮪開咳咳嗽笑高鬧咳嗽笑高見骨碌碌小車兒乘着艷嬌嬌滴滴眼兒彎彎小脚兒一捻舞腰十分俏難畫描蕩漾春心了怎教人對景華負年少

紅繡鞋

此調相沿已久皆以為空如此句法

矣不知譜中收三
 韻各與此不同。琵琶
 已記本調末句。碎
 笙歌影裡紗籠紗
 籠。今人皆改作沸
 笙歌。引紗籠亦或
 于近調耳。又同唐
 會傳奇本調末句
 云。菊殘猶有傲霜
 枝。瘦花女傳奇本
 調末句云。一齊共
 樂同歡宴。皆非此
 句法也。
 尾聲如此者。名意
 不盡。亦止可用之
 此調後。非尾聲。即
 可稱意不盡也。

南音三錄

卷上

中

四

聽

一派鳳管鸞蕭。鸞蕭。見

一簇翠圍珠

遠珠。遙捧玉鐘酒

沉倒歌。金縷舞。纖腰。任明月。上花梢。

前腔

花枝明月多嬌。多嬌。三般湊。逞妖嬈。妖嬈。一樣妝。最波俏。

花陰下。關炒炒。醒來時。不覺夜深了。

意不盡

從教酩酊眠芳草。高把銀燭花下燒。韶華易老。休把春光
 虛度了。

用蕭豪韻

自是古調。非近手所能也。

中呂泣顏面 人賴

無名氏 集花名

無語對薔薇坐看蝴蝶雙飛空男何處擲金錢暗上歸期。
是楊花性兒悔教人錯把葵心對傷粧臺羞照菱花倚綉
牀懶刺茶蘼。

前腔 換頭

換頭起句似石榴花

芙蓉帳冷倩琵琶寫出這相思恨桃消兩頰柳鎖雙眉蘭

房曾訂密約是誓灰相依。本連枝並蒂翻成做萍梗隨波

逝芍藥欄少個着意知心牡丹亭添些短嘆長吁

正宮 賺

南音三韻

散曲上 中呂

憶昔

茉莉開時邂逅相逢

在

竹徑西梨花面被伊搵住兩

相偎紫牽衣

在

芭蕉葉底從君意一顆櫻桃和露垂金蓮

細似

鷄冠並朵金苞葢海棠知未海棠知未

仙呂

解三酲

也只圖高板桂枝待畱他石榴不住

他約定

籬邊菊綻來

妝次早梅葢放南枝

若得他

杏花十里誇馳騁

准備着

金

盞三盃話別離形憔悴紫微即多應是流落天涯

前腔

一任他玉簪半墜也不管金鳳斜欹蓮花枕畔輕咽淚姐

妹中怕相疑。捱得過杜鵑啼徹三更月。又被那鶯栗鶯飛

五鼓鷄渾忘寐。對金燈教人腸斷遐思。

尾聲

瑞香花君休比。奴是松筠節。揆做霜枝。休覷做敗柳殘花

教人作話提。

用齊微韻 內兒字思字枝 宗犯支思吁字住字犯魚模

集名之作如集藥名集牌名集雜劇名之類古來有此惟以不牽強自然為貴如此曲亦自妥

中呂泣顏回 人籟

無名氏咏花名

萬卉花王。惟有牡丹花獨壓群芳。蘭花香噴。梅花獨占春

亦失體
宏五字起此四字

光。梨花淡粧。木蘭花斜倚雕欄上。玉毬花嫩白。嬌黃紫。荆
花棠棣聯芳。

前腔

換頭

桃紅李白闌濃妝。芍藥花百媚嬌娘。瓊花遺像。海棠花滿
架深藏。杏花出牆白。楊花一任隨風蕩。玉蘭花白似瓊漿。
石榴花噴火非常。

前腔

荷花池內戲鸞鴦。瑞香花偏惹蜂狂。茶花開放。茉莉花一
種清香。葵花向陽。水仙花微露出。清波上。杜鵑花紅滿枝。

頭玉簪花開遍堦旁。

正宮
賺

鶯粟花黃。玫瑰花開滿院香。日初長。木槿花心。背夕陽。逞紅妝。蓮花映水。蒲花長。梔子花如白玉粧。闌芬芳。荼蘼花謝。薔薇放。萬花堆賞。萬花堆賞。

仙呂
解三醒

夜合花淒涼。情況芙蓉花冷落。秋江金錢花夜落。瑤堦上紫微花對。紫微郎。鳳仙花夜搗銀盆內。寒菊枝頭傲曉霜。花模樣。怎比得月桂花開四季芬芳。

第四句應六字
下曲皆不合

前腔

臘梅花隴頭開放。枇杷花傲雪。經霜松花滿地。無人掃。池畔蘆花蝶翅狂。金鐘花淺。酴葡萄釀。綉帶花如贈玉郎。花模樣。怎如得。丹桂花開分外清香。

尾聲

鷄冠花似胭脂樣。靈鵲花如檀麝香。但願萱花年年慶。北堂。

花字改草字乃叶

用江陽韻

此亦花名曲也。但前以閨情作骨。叙來有致。此但直點群花。更下一格矣。錄此以備一種。猶有賣花郎一曲。大略祖述。此調不足重據。

關字是藉用韻處

金鍼也也字可隨

意用一不字字不

比前也字必不可

換者故鍼字不用

韻

南呂香羅帶

人籟

康對山

憶別

東風一夜冽。雲收雨歇。傷情怕見。窗外月。嬋娥獨守廣。

寒闕也。只為多愁處。照離別。更長漏永。燈半滅。空便做挫。

折金鍼也。解不得。我愁腸千萬結。

前腔

愁腸千萬結。寔難打迭。新愁舊恨都莫說。挨過今夜那。

時節也。只見雕床靜。繡幃揭。無言怕聽。意外鐺。

仙呂

醉扶歸

鶯儔燕侶。恩情絕。鶯交鳳友。頻拋撇。本是韓憑塚上兩鶯。

鴛到做了合莊周夢裡雙蝴蝶合和他繡帶結同心反教

我翠袖沾啼血

前腔

雲鬟散亂合金釵折腰肢瘦損絳裙誰想燈花不准鵲聲

空再來不把合金錢跌前

南呂 香柳娘

嘆陽關唱徹嘆陽關唱徹并梧飄葉把佳期望斷梨花墜

雪這深盟永訣合這深盟永訣合秦期晉約都成吳越合要相

思妥貼直待要相思妥貼直待黃河水竭泰山崩裂

梁花盛密用四字
用三字皆可秦期
晉約二句與譜異
茲本調宜用五字
二句也
古本俱無重句今

從俗

前腔

想香偷玉竊想香偷玉竊。綢繆喜悅如。今博得個悲啼哽咽。奈衡湘信絕。奈衡湘信絕。使人心懸酒旂。臨風聖切。前

尾聲

啼痕界破桃花頰。蛾眉瘦損遠山月。總使蠟燭成灰。心尚熱。

用車遮入聲韻。蓋中原無入聲。分隸于諸韻三聲中。故北曲入作平作上去者。毫不假借。今南則有入聲。可以意叶。大略作平居多。而去上隨腔爲聲。不能一律瑣註也。

南呂香遍滿地籟

陳大聲 別恨

因他消瘦春來見花真個羞羞問花時還問柳柳條嬌且柔絲絲不結愁幾回瞻點頭似喚我眉兒皺

懶畫眉

無情藏明去如流有限姻緣不到頭悵悵鬼病幾時休綉戶輕寒透十二珠簾不上鉤

商調 梧桐樹犯

黃鶯似喚儔紫燕如呼友浪蝶狂蜂對對還尋偶無端故把人傷慙一片身心如何教我得自由五更梨花細雨黃

琵琶記此調第四句你只索開闢不用韻故唱之將點板在開字上此正韻且平聲則板堂在字字上此調第二字必用仄聲第三四字必用平聲乃是正體觀琵琶記日換花田三曲等觀此原調皆然今人皆依此曲殊失之細而詳作暮雨下黃昏重今依譜

昏後靜掩重門只與燈兒厮守

南音

浣溪紗

我容貌嬌他年紀幼那其間兩意相投(晏心)宛轉頻挑逗
詩謎包籠幾和酬他去久有些個風聲兒未真實見人須
問個因由首句宜用韻乃妙惟誰慣經相
思病我自招隨人笑二曲得之

劉潑帽

浪游那里青驄驟向吳姬賣酒鱸頭烏絲醉寫偎紅袖厮
逗留半霎兒渾忘舊

秋夜月

歷考此詞他去久處俱用韻雅照余府諸曲皆然今唱此詞者却以時曲之詞都自一曲為主必欲將他去久至末句實十二字對平聲愁腸若是酒七字何其惡也游字偶然非用韻也
居通音一句詞記中用煩你稍看是四字句

恩變做仇頓忘了神前咒耳畔盟言皆虛謬將他作念他
知否他待要罷手我何曾下口

東甌令

難消悶恁忌憂抱得秦箏上翠樓絃聲曲意皆非舊淚濕
了春衫袖青山疊疊水悠悠何處問歸舟

金蓮子

表記留香羅半幅詩一首做一個香叢兒紫收怕見那綉
鴛鴦一雙雙交頸睡沙頭

尾聲

查古板白鬼記至
月亭等曲乃知此
曲似海而實不暢
表記帶記字當用
平聲做一個個字
當用韻而點二板
怕見那三字皆觀
字則綉字上不宜

點板作曲者與唱曲者皆失之矣

等待他來時候薰香重整舊衾裯把往事從前一筆勾

用尤侯韻

詞意老辣可稱作平未脫脂粉氣不能充最上一乘

南呂香遍滿地籟

凌初成

傷逝

芳時輕度流光自來如轆轤把皓齒明眸容易誤可憎人

已無風流分已孤英雄淚欲枯這冤苦憑誰訴

懶畫眉

錦浪愁看戲雙鳬忍聽垂楊聒晚鳥淒涼更自恨惝恍天公獨解將人妬只揀心疼昨便下手毒

商調

梧桐樹犯

潘安果幾多。沈約腰如許。張敞何郎。一箇箇。揉碎了。姻緣。

簿。也是。無端撞入桃源路。一笑相逢。便自。情意。五更。轉。乘。

桂巧向銀河渡。月夕花朝。鎮把。琴心。所訴。

南呂 浣溪紗

理舊絃。酬新曲。傲殺他。卓女當爐。燈前看。綉青鸞。譜席上。

同傾綠。蟻壺良宵度。也。懷揣道。秀才們。何處。福。到今日。生。

闖入怨府愁窟。窟叶

劉潑帽

西風一夜。嬌花。化。美前程。到此。當。虛。夜臺。前。猶試。他。金蓮。

步。冥。使。符。生。校。障。陽。臺。路。

秋夜月

空。嘆。吁。怨。恩。情。成。畫。虎。蕙。帳。驚。牀。都。如。故。博。山。沉。水。閑。無。
數。那。裡。是。他。去。所。怎。生。爲。咱。計。處。

東甌令

空。有。行。雲。賦。會。真。圖。擬。得。崔。徽。舊。日。模。或。顰。侵。儘。着。霜。毫。
禿。寫。不。出。千。愁。簇。顛。來。倒。去。眼。模。糊。百。忙。裡。響。銅。壺。

金蓮子

待。如。初。問。還。丹。道。士。在。甚。途。便。能。助。玉。人。兒。體。蘇。也。賸。不。

了擁（含）禍獨（獨）跨跼腸斷一春餘（首句原刻有計無今更定末句字多猶是倣前曲所誤）

尾聲

月明徙倚空庭步影隨身還疑伴侶（怎禁得）剗地回頭一箇無（箇無）

用魚模韻

佳處當行若非青鸞譜綠蟻壺蕙帳鸞牀博山沉水等語猶近時趣直是元人勝場矣氣格較勝因他消瘦曲一步但前曲久爲時所膾炙此曲旣仍其調不得不抑而乙之耳

南呂香遍滿地籟

顧道行（閨怨）

名技在休字上說更當
聖前王司馬情便高

別來時候孤鴻幾番書未修。恨疊秋雲無柰陡離情。休未
休。何時斷却頭相思。含兩眸。血染楓林瘦。

懶畫眉

蘆花吹白。上人頭。鏡裡蕭疎不耐秋。敲窗落葉冷颼颼。人
怯黃花瘦。把有限柔腸。帶無限愁。

商調 梧桐樹犯

第六句原止七字
此因前四也消瘦
曲內有如何教我
四個字誤以為實
字亦以音貫便有
四字皆之後人誤
以為本調內正字
矣

愁。白苧秋。病怕黃昏後。月。獨燈殘。冷落還生受。常時有
約。何曾就。人隔重門。商書便有
帳冷香消。只索把。被兒空攬。

詞譜卷一百一十五

南呂

浣溪紗

我心共口不自由。怎生忘口裡心頭。心頭却怨心商驛。口裏常就藏。月心憂空廝守。我這裡愁他別來久。不知他心有。心丟。

劉潑帽

休休見他也難。如有想甚麼情意。長投。麗兒一半因他瘦。背地流淚濕青衫透。

秋夜月

生前欠修命。惹下孤星宿。背後人前名兒醜。因他沾手難。

丟手見三星一鈎怨河分兩宿鈎字用平韻不妥

東甌令

琴絃絕鏡塵浮鸞鳳空留釵並頭同心帶綰何曾久離恨
常相守燈花鵲噪總休休歡喜夢中求

金蓮子

還自羞黃昏夜雨重門叩他別後歲明如仇恨殺那等閒
間把青霜容易白人頭此曲較表記
畱一曲差合

尾聲

風流滋味都嘗透那知我害不了的相思還有除非是夢

裡尋他續斷頭

用尤侯韻

稍遜前二曲一籌而造語合處亦非尋常軒輊手至如蘆花吹白上人頭及愁耽白草秋病怕黃昏後等語雖非曲家本色所尚然自是詞家俊句以視浮套懸殊也劉滌帽首句詞義難解當必有誤字

南呂香遍滿 人籟

王侯波 閨怨

鸞鳳同聘尋思那人不至誠誰信今番心不定頓將人薄倖可憐無限情一似紙樣輕把往事空思省

懶畫眉

此曲舊譜所收然省四字實不合調

花開花謝問如醒日遠日疎冷似冰眼前光景總淒清暗

南音三籟

散曲上

南呂

詞隱生謂其非知
音者去之而用昆

音記頗覺餘音一
曲良有足也

此曲犯五更調則
末二句俱宜四字

此橫簫句直用七
字不宜昧律至此

豈又別犯耶按亦
權依句點非正也

經字用韻妙甚他
曲不知也

經字用韻妙甚他
曲不知也

水流花逕。庭院黃昏。門半局。
局居名切

商調
梧桐樹犯

教人憶茂陵。調琴誰共聽。少箇知音。斗帳沉烟冷。孤眠最

苦良宵永。似這樣淒涼。如何教我。挨到明心。腸縱然如鐵。

硬曉夜相思。撲撲簌簌淚暗傾。
承於景切

南
浣溪紗

誰慣經相思。病愁只怨枕餘衾。剩兩三杯酒全無興。空教

我十二闌干。獨自凭心。耿耿想起那瘧脾情。耳邊言那取

那真本蘭亭

詞有作此蘭亭者。然此詞乃古者所撰。而此詞乃後人所作。其詞意與此詞不

劉潑帽犯

對景對景無心詠。倦時聞枝上流鶯如何喚得春愁醒。毛

袍

羞對畫屏。花間翡翠雙雙並。

劉潑帽本調

萬愁生。獨守着房

櫳靜。

詠為命切

○秋夜月

思錢行。親把香醪贈。一曲琵琶陽關令。春衫淚濕。君曾搵。翻成做畫餅。似銀瓶墜井。

○東甌令

謝安嘗云。天下無事。當如東甌令。此言其清也。

人何在。夢難成。水遠山遙。不記程。雕鞍寶馬無踪影。他那

里柳行遲。朱顏綠鬢易凋零。無奈痛傷情。

金錢花

偷鈴如瓶各二字
與末句持皆重唱
一句亦可

想你[○]掩耳偷鈴爲你緘口如瓶待他歸後細論評。夫妻拆

鴈同群歡會事。鳳和鳴。論評若作評
論卽不協韻

用庚青韻 內搵字 群字犯真文
庚青誤與真文雜用 甚至犯及侵尋 此時病之最難醫
者 此曲韻可謂當矣 何不并
此二字不借之爲盡善乎

南呂香遍滿 人籟

唐伯虎 秋思

春風薄分吹回楚臺一片雲。入夢追隨無定準。遠山疑淺
顰仙踪不染塵。想應夢裡人解憐我傷秋恨。

第二句當如琵琶
記不魯許公與卿
唱法乃六字二節
者今止用制叙記
無茶人來說再三
多概無字遂唱作
懶蓋看第二句腔
聚矣

瑣窗寒

今作瑣寒
窓非也

漸

江楓玉露初勻

料

想衡陽鴈未賓

盼

巫峰朝暮信息難

真誰知青鳥忽傳來信似雲輶降來隱隱偶聞試端詳

下丰神頓教良夜生春

偶聞以下本宜七字作一句而二字為節五字為節如荆叙記云早

間喜鵲噪窓南及姑姑因此臉羞慙是也必不可于第二

字用一韻而分為兩句自後人改易舊制叙記時人唱這

門親一曲多作早問鎮聞得鵲噪窓南故此曲亦遂誤用

乃爾鄭孔目傳奇云此行須是早回歸自是正體香囊記

云古今惟有孟母與魯參則說以承訛矣唱之者既熟聽

之者又慣作之者又多不考其源流此調幾何而不盡失

劉潑帽

花字上一板必不
可無無之則投起
矣今人必欲去之
可恨

背人避影通芳訊。恨塵緣尚阻良姻。盈盈眼底明河近。不
得親脉脉。添愁悶。

大勝樂

玄都觀花事雖湮。想天台綠未泯。采春正合元郎韻。知
盼。是。你。前。身。少。不。了。今。生。酬。却。前。生。願。豈。但。是。一。夜。夫。妻。
百。夜。恩。從。他。間。阻。這。赤。繩。到。處。自。然。相。引。

生姜牙

郎節
節高

秋。蟬。又。吐。痕。絲。夢。新。壺。觴。肯。向。時。俗。混。頻。傳。聞。待。玉。人。攜。
芳。醞。任。他。吹。帽。金。風。峻。黃。花。笑。把。蟬。影。屈。指。良。辰。是。佳。

期從今定無孤辰運。

尾聲

離情一日三秋迅。況秋宵容易斷魂待取相逢却細陳。

用真文韻

能不犯庚青一字脫去時病多矣應亦是留心此道者

南呂梁州小序 人籟

陳大聲 初夏 閨情

此詞此陳將字傳

梁州 西園暮景。南軒初夏。長日端居多暇。樓頭楊柳。陰陰

梁州序自有家私

漸可藏鴉。無柰。關心杜宇。惹恨倉庚。古定茶蘼架。芭蕉分

速等。為本詞也。後

人以家私選等為 綠也。上。窻紗閒看兒童捉柳花。賀新。珠箔捲。金鈎掛。惟無

古梁州而以此詞

意作梁州序。其失 端一夜東風大。花亂落。謾嗟訝。

久矣詞隱生考以

前腔

後五句犯賀新郎

之良是。然其名不 瑤臺寂靜。畫欄幽雅。一樹薔薇低壓。鴛鴦兩兩飛來。暖傍

欲改舊譜。故仍之

晴沙。為甚。金鍼閒却。綵線丟開。刺繡都停罷。舊巢新燕子。

此詞此陳將字傳

語窻紗。又見 蛺蝶雙雙入菜花。前 刺音七

此詞此陳將字傳

前腔換頭

黛痕橫[○]臉[○]玉生霞。篆烟微麝香消鴨。對銀筩無緒。鴈行雲
 駕[○]幾度[○]閑[○]尋[○]舊譜。試學新聲。欲演還拋下。絲絲梅子雨。潤
 窓紗[○]無柰[○]少女風前爛漫花[○]前合

前腔

對香[○]衾[○]朱粉慵搽[○]臨[○]寶鏡青螺羞畫病[○]厭[○]厭[○]多半為他滿
 灑[○]笑[○]鸚鵡解語鸚鵡能言[○]把[○]薄倖提名罵。開遲紅藥滿
 映窓紗[○]為甚[○]送盡春風始見花[○]前合

節節高

蓮舟戲女娃。露裙釵蘭橈。冰纖凌波被。含歡耍。兩鬢又雙
鬟亞。青青荷葉無多大。折來莫把絲牽掛。令翠羽飛來綠
葉叢。玉盤歌側瓊珠瀉。

前腔

乘陰傍水涯。扇空遮玉纖。設解鮫綃怕。管書假。辜負咱多
嬌姹。歸期暗數垂楊下。如今不信傳來話。前令

尾聲

芳時一任東風嫁。對良宵歡情未洽。難道經秋不到家。

用家麻韻 內止一遮字借作之沙切
秋碧故多本色此獨以藻麗開梁梅之溫觴然猶有自

南音三賴

散曲上

南呂

五

造意語非一槩
填塞活套也

南呂梁州小序

人籟

鄭虛舟

春閨憶別

幽香新染。纖紅嬌露。一段風情誰付。深閨睡。鶯鶯燕燕

相呼。

驚破

枕邊孤夢。番做相思淚。點珍珠顆。別離容易也。

悔當初到處。秦樓花柳多。令芳草色暮雲渡。昨音書隔在

天涯路。三。月景又辜負。

前腔

韶華濃麗。江山。今古。彷彿丹青。鵲觀游人如蟻。芳競試

香羅。

爭奈

那人不見。暗數歸期。又早清明過。滿懷離恨譜。

向誰訴。不覺裙腰寬褪多。前合

前腔換頭

暖沙堤忽覩鴛鴦。嫩熈清波雙雙交。正前細雨濛濛烟霧。生怕房櫳靜悄。夜色淒涼。試卜燈花。幾回推枕起問。

嫦娥何事孤眠。恁恨多。前合

前腔

好園林。錦繡模糊。薄東風游絲輕舞。記當時執手送別南浦。瞬息年華依舊。愁緒縈牽。敲斷金釵。股幾番臨玉鏡。髻慵梳。無奈懨懨瘦損多。前合

節節高

珠簾掩映拖獸簷。依稀嫩柳牆頭護。誰知我。慣翠蛾相
思苦。魚分比目銀河阻。顰顰擊得菱花破。金盞自惜芳菲褪。
紅顏薄。情故把青春誤。

前腔

冰絃懶去和。燼金爐。雕闌獨倚聽鸚鵡。蕭條戶。人影疎。天
憐我。沉沉井底銀瓶墮。藍橋水漲祆神火。前

尾聲

良辰九十成虛度。嘆王孫歸計杳無何。日相逢。事事可。

用魚模韻。內顆字，多字，羅字，過字，采字，蛾字，拖字，蛾字，蛾字，破字，和字，我字，火字，可字，俱犯歌戈。
鶯燕鶯鶯金釵玉鏡珠簾金鑑無非以閨中物色，登奏成章，至于掩映拖獸簾蛾，遂不成語，或作湘雲淨倚隴捲流蘇，爲近。

南呂梁州小序 人籟

沈青門

月夜游湖

長空如洗，平波如掌，兩岫青山相向。畫船簫鼓，偏空老去，踈狂。只見清凝，丹鏡影微，冰壺冷透，蛟鮪帳，乘風來去也。
泝流光，擊碎空明，桂棹長。谷銀河眩碧，波漾。看瓊樓玉宇，高千丈，須縱飲，莫虛放。

前腔

停杯相問。騎鯨欲往。脫落形骸。蒙宥恩袍。宮錦曾依。尺五清光。只見山河如舊。湖海飄零。風景添悽愴。廣寒何處。是舞霓裳。遙隔銀河一水長。俞

前腔

換頭

嘆世情反掌無常。又何必官居卿相。縱繁華今日。豈無興喪。只見吳宮花草。晉代衣冠。俯仰皆榛蕪。清時難屢得。且徜徉。莫待愁添白髮長。俞

前腔

看橫江白露漭漭。忽風來涼生仙掌。聽高樓何處笛聲嘹

曉只見孤舟發婦千里佳人極目空惆悵故園松菊也已
荒涼一水牽愁萬里長前

節節高

深潭倒玉幢倚蘭檠賦詩橫槩風雲壯靈槎傷半斗旁星
河上九天零露仙衣爽紫雲玉樹何足尚百歲人生幾何
時不必世途空勞攘

前腔

高歌窈窕章倚新腔光搖琥珀翻紅浪開新釀飛羽觴休
推讓猛拚一飲千鐘量醉搖環珮傳清響凡事區區豈由

人富貴倘來從天降

尾聲

乾坤萬里空凝望、且開懷、一醉何妨、半轉參橫夜未央

用江陽韻

直是閒咏風景、故可作詩餘一派、不必作曲論也、詞中有恩袍官錦、曾依尺五清光語、應是沈殿撰君典筆、蓋君典諱懋學、正與青門字同、故誤耳、若青門自多古色、不止是豪爽一流也

南呂梁州小序

人籟

梁伯龍

咏珠

郊原風暖、園林春霽、日午香薰蘭蕙、翩翩綠草、芳競拂

羅衣、只見

鞦韆初試、綉扇初開、驚得雙飛起、為憐春色也

①風吹飛過東家知爲誰。花底約休拆對。悠暢春夢
渾無際。關塞路總迢遞。

前腔

差池羅幙徘徊宮。髻撲着花兒斜綴。②鬢輕展芳心未露
先知。恰似偷香韓壽。傳粉何郎。慣作司花吏。畫橋風細也。
賣花田。亂逐餘香過。冰西。前。

前腔
頭換

向蘭閨欲作良媒。爲經雨。暫飛猶住。况重。隱隱欲投無
計。枉自相隨。油壁獨叩花房。風勒還空。退殘紅零落也。伴。

香泥浪撲金鞍送馬蹄金前

前腔

正東城雙宿雙飛又南浦離群失隊嘆花溪深杳冉逢何地應是狂隨風絮舞入梨花畢竟無處前處金乍來還去也是和非何日牆頭接翅歸金前

節節高

誰餘故館基野花迷謾尋珠翠投荒砌空留滯芳草淒蒼苔蔽踟躕弱態金何地芳魂應逐秋風去金半載分離不多時春來依舊重相會

前腔

輕盈漢殿姬素蛾眉粉容旖旎春香膩迎風倚着露歆經
烟醉霓裳舞罷歸環珮紛紛盡入宮牆內前

尾聲

深宮鎮日重門閉對簾櫳午漏漸稀楊得勝王畫品奇

用齊微韻 內處字犯魚模
咏物頗多雅思俊句是伯龍輩所長然撲着花兒斜綴
等語又大似陳秋碧

南呂梁州小序 人籟

王雅宜

離思

筠窗星散。芳牋風度。幽夢無端攪寤。疑真似假。教奴懊恨。

當初渾似蝶香銷粉。蛛網縈絲鏡破。驚孤舞。幾番消渴也。
寸腸枯。誰道如今腸也無。合沒定奪。難存坐。風花撩亂章
臺路。韶華去。合回顧。

前腔

梧飄金井。蛩吟玉露。身似悲秋朱玉。有情難賦。無端短嘆
長吁。怎能勾傾城傾國。行雨行雲。把多病多愁可。瑤琴空
駐怨。分應孤。不是知音世上無。合前

前腔
頭換

聽征鴻。天外相呼。似失侶。不勝淒楚。更那堪。嘹唳數聲哀。

訴。好似綠珠墮。恨碧玉沉愁。聲斷衡陽浦。天長音信短。奈
君何。知道眉兒淡也無前。

前腔

對。灩澦涼月。紛敷恍一似嫦娥。低度元來是。助人愁。半痕
玉兔。想像西廂詩侶。南浦情人消瘦。梨花柔。轉成離恨。譜
淡了。會親符。果是人間好事無前。第三句少協。

節節高

新粧艷綺羅。隔明河。嗟無繚紗輕。雲護天香墮。瑣翠蛾。調
鸚鵡。高唐雲雨何朝暮。巫山何處陽臺路。爭怕春光不。

南音二韻

散曲上 南呂

七二

相留。朱顏未肯常如故。

前腔

風烟斷綠蕪。夢南柯。朦朧誰注。姻緣簿。芳年誤。恨轉多。佳
期負。靈心一點。先焦破。天涯草色。王孫路。前合

尾聲

幽期密約都虛度。江州司馬淚痕多。及至相逢半句無。

用魚模韻

內可字何字桑字羅字

河字蛾字柯字破字多字俱犯歌戈

數無字押得磊落有情中間作處亦是不肯作草率語
者萃雅不收可見知曲者少也若非常諦居多當取之
地賴矣

南呂梁州小序 人籟

祝枝山 月夜 愁懷

廣寒清冷。瑤階風露。幾許春愁難訴。雲收雨斷。晚來枕簟
差鋪。空憐長缺。待得團圓。又被風塵阻。世間偏是我。命兒
孤。誰問相思病。有無。經年恨。青春誤。香閨長夜。天涯路。
心上事。好辜負。

前腔

蒼苔寒綠。簾櫳香霧。黃昏人立庭梧。只見輕雲冉冉。長空
幾點沉浮。抵怪三星在戶。千里驚心。夢入關河阻。樓臺春
寂寂。浸水壺。悶倚雕闌淚欲枯。合前

前腔

換頭

恨雙魚音問全無似銀河終年間阻看長途迢遞樹烟山
 霧悶得朱門靜悄金屋蕭條人怨長門賦紗窗花影轉夜
 如何剩枕閒病較多前合

前腔

嘆清光何地曾無畢竟是照他照我偏是他今夜裡共誰
 歡娛我把蒼苔立遍羅袂生寒隱忍心頭苦暗將當日事
 問嫦娥誓海盟山竟若何前合

節節高

相逢分有無。強支吾。銀缸寶篆。閒朱戶。添悵楚。綠鬢枯。紅
顏妬。曉開粧鏡。花羞覩。恨人脂粉。何曾傳。可憐憔悴。月
中人。慣牽愁。恨天涯路。

前腔

風流惹恨多。記當初。曾教分入。姻緣簿。成虛度。離恨窩。相
思譜。懨懨纏繞。債風塵。妬。何時了。釋從前。苦。

尾聲

天邊月。冷。心頭苦。這淒涼。分明是他負我。只落得人。月如
令。一樣孤。

月魚相前
尾聲甚俊

中作字多字羽字好字孔韻去

南呂梁州小序 人賴

沈青門 題情

朱明佳景綠陰清晝盡日飛花鴛鴦夢驚芳草風簾搖拽
金鈎正是屏山人悄流水烟消此際惆悵瘦楚天人共遠
漫凝眸倚遍西江十二樓春已盡愁如舊黃昏寂寞
難消受懽會少別離又

前腔

斜陽芳草淡烟疎柳又是栖鴉啼後悶來無語凭欄暗識
歸舟藍橋心約紅葉題情底事成虛謬舊游人在否

水空流。雲瑣當年望月樓。

前腔

嘆巫峰雨歇雲收。恨陽臺似分鏡剖。記臨岐執手，泪盈衫袖。只恐關河迢遞，落日長堤，千里空回首。相思分兩地，恨悠悠。辜負今宵月滿樓。
前合

前腔

立斜暉，目斷荒丘倚危欄。聽殘寒漏。浸紗厨月冷，斷魂時候。記得前春遊賞，月下花前，有個人攜手。揚州孤夢破，倦追游。更與何人上翠樓。
前合

節節高

花間鶯燕儔。動離愁。孤鸞羞舞菱花。剖相思久。恨未休。人消瘦。羅衣寬。褪芙蓉。扣。鮫鮪不。禁啼痕透。但願延。大劍。再逢。珠還洛浦。圓如舊。

前腔

瑤臺明影收。露華浮。江空夜靜。天啣斗。頻搔首。徹夜愁。濃如酒。香消寶篆寒。金獸。可憐獨擁鴛。衾宿。前合

尾聲

分離不似。今番驟。望斷烟波萬頃。秋愁滿。天涯無盡頭。

用尤侯韻

詞意老辣而音律亦甚和協韻脚如別離又鴛衾宿皆
老於叶
字者也

南呂梁州小序

人籟

凌初成

乍會惜別

瞻曩京國閑吟空院追憶芳塵娉怨柔腸斷處從天降下
輜駟依舊目腰欺弱柳步蹴金蓮歌罷桃花扇相逢先一
笑態嫣然夜月輕彈廿五弦方歡會諧心願被罡風吹
得朝雲變消沮事陡然見

前腔

秋祠烟烈藍橋波濺衣帶從今寬展舉幃佇望殘膏剩馥

依然鎖自把燈前絮語枕畔盟言夢裏空敷演高山流水
調有誰憐間盡相如綠綺絃前合

前腔換頭

啓朱唇頻誦新編露纖手時鐫秦篆這風流旖旎總堪留
戀還記得呼名低應偎臉微酡拍板喉輕轉揮毫空落昏
似雲烟誰譜新聲被管絃前合

前腔

拚沉醉有酒如泉恰天申殘燈空顫剩羅幃綉幕竹奴爲
春還念他長途炎日旅舍淒風暗損如花面千般無意緒

總堪捐。一任蛛纏錦瑟絃。前合

節節高

薰籠懶自然。靜無烟。和衣亂倒孤衾。胃涎空。燕枕遙遷。願
支徧顛來倒去。渾難便挑燈索候。催銀箭。未審相逢是
何時。不覺腹中車輪轉。

前腔

終宵思黯。然想從前。情騰一會心驚戰。聞聲轉恍。並肩歡
相見。元來是夢魂闖入蓬萊院。虛無縹緲。和卿面。前合

尾聲

從來好事多更變。最苦是蚊雷成陣打盤旋。又奏個不做。

美的迢迢未曙天。

用先天韻

詞意有俊處。惜常詮居多。異人止得一尾及觀字數轉有波耳。

南呂宮春令

人籟

梁伯龍

青樓佳遇

紹裘(寒)洛下塵嘆浮名棲遲此身秋陵秋盡雲衢有路鴻
無引奈江頭一夜西風都吹上半生愁鬢(也)憐韶華(在)華
百年一瞬

太師引

算前程

畢竟

全無准羨鵬搏何年化鵬(也)消得重門清晝

況值着孤館黃昏生平意氣休相哂聊寄跡(錦)營花陣平
康路車蹄馬輪從(今)後(向)陽臺暮雨朝雲

瑣窗寒

第二句當如琵琶
記不曾許公與柳
唱今人唱都是彈
面眉第二句腔甚
夥

遍青樓尋訪殷勤。迨當年第一人。見丰儀俊雅。性格溫
純。趨承濟楚。衣衫漣潤。淡梳妝不施脂粉。可憎。青團半掩
啓朱唇。頓然一座生春。

黃鍾 三段子

問伊近庚。是楊家初年長成。問伊小名。是楊妃當年後身。
疑是霓裳隊中。金蓮觀沉香亭畔。春醒醒。寂寞闌干。梨花
丰韻。

南呂 東甌令

烟霞相不同。群好惡相傾。越與泰誰知窈窕還相訊。議論

求句本七字句。琵琶
記改換門。開傷
不是好。照體一是
字後人皆誤為八
寶字。作者紛紛。不
可改矣。
皮離今。與新鐘太
平令大不同。今人

皆混爲一不可不辨說別見

舊譜注云前二句是五韻美中四句是韻梅花後四句是梧葉兒今按前二句後二句俱近以矣但中四句不似而一變二句亦不似梧葉兒此本琵琶記名雖利鎖一曲姑闕之以俟知者

多奇俊。嘆悠悠世路總浮萍。青眼更何人。

三換頭

裏腸未明。欲言難盡。○姻緣到也。喜。○堪的便親書。生何幸。○這其間只索把那飄蓬。此身來儘。○一霎成秦晉。春生白練裙。意外良緣。怎負得。一夜夫妻。百夜恩。

劉潑帽

繡床根底。將鞋兒褪却。因忙未掩樓門。深深叩謝周公瑾。莫浪聞。這恩德應難盡。

大勝樂

問娘行這段姻親却緣何。便有多應宿世緣和分。因此
上一時渾。分明是雙雙蛺蝶迷花徑。兩兩鴛鴦護水紋。情
真意懇。非干是偷寒送暖。棄舊憐新。

仙呂 解三酲

休忘了焚香寶鼎。休忘了待明疎櫺。休忘了生辰八字親
相訊。休忘了對翦烏雲。休忘了族門畫索。投奔。休忘了
別館宵分。挹淚痕。伊休濁。須不是你家行徑似假疑真。

南呂 節節高

恩情難具陳。未經旬。別離兩字當心。攥歸何迅。杯易傾情。

詞隱生曰按此調
第三句雖與解三
醒第三句相似而
實不同余猶及聞
昔年唱此第三句
並無截板今清唱
者皆與解三醒第
三句同矣

本句亦宜七字句
狂想肥休把常娥
付與少年亦微一
與字如前三段于
末句句法同今亦

難盡春明門外程途巨踈林處處斜陽映只恐分離在須
更片時人遠天涯近

三學士

都城南去霜風緊黯然欲別銷魂君如想妾還愁妾妾若
忘君是負君歲月蕭條難過遣書和信莫厭頻

大遼鼓

離亭酒一尊青衫濕處盡是啼痕蕭蕭匹馬投荒徑嘹嘹
征鴈度孤村雜踏長途淒涼暮雲

中呂 撲燈蛾

時開一紙書。每玩雙鉗印。追想那多嬌。不覺眉留目亂也。
看腰圍瘦。沈願年年芳草。滯王孫。鏡臺前逗。通京尹。眉重
暈。紗窗着意用溫存。

尾聲

春風又入淮南郡。看行行一騎到金陵。肯負青樓薄倖名。

用真文韻 內庚字名字儒字揀字領字
映字亭字徑字陵字犯庚青沈字犯侵尋

南呂宮春令 人賴

吳載伯 傷逝

春將去人忽離恨無端。似雲遮霧迷玉容何處。却教腸斷
吹簫侶。那琴中調。是寒鵲孤鸞。這夢中景。尚同枝連蒂。我

這情無端悵快誰知一二。

太師引

記十載如魚水。兩情濃篤。禽鳳帏。何當得千般嬌媚肯虛度。萬種歡娛誰得同。尤合意。真個是雙烟一氣。花香處。游蜂未知。只合向瑤臺瓊砌。繡幕低垂。

瑣窗寒

貯金屋都道相安。映臉桃花恐不如。看溫柔性格。綽約身軀。似雲中仙子來臨。凡世伴朝昏。非同容易。早時起調鸚鵡。鵲曉粧遲。分明画裡西施。

南音二錄

黃鍾

三段子

一春酒卮捲珠簾花兒柳兒清和日遲對薰風鶯兒燕兒
(三)秋菊綻金垂砌(三)冬煖閣爐烟細和你同賞同歡年年
伉儷。

南呂

東甌令

間相守步相隨美滿恩情不暫離天教湊合姻方締何用
多盟誓顛雲倒雨會尤奇。也是前世結來的。

三換頭

蓮花步移香生羅袂○嫣然兩頤似芙蓉在池共看鴛鴦

閒戲。這其間却似那有情人。心情風致。○曲曲雕闌倚。雙
雙手並携。醉泛金尊。一在樓頭更漏催。

劉潑帽

日高三丈猶酣睡。窗兒外鳥聲偏碎。殘脂剩粉金盆洗。裊
裊雲鬟。又向西園去。

大勝樂

霎時間兩下分離。歎和生嗟。兩地彩雲易散。琉璃脆。愁無
奈。苦難持。說甚麼天長地久。長厮空撇下。無限淒涼。只
自知。教人恨也。不到頭的姻緣也。第一世夫妻。

仙呂

解三醒

忘不了心恬意美，忘不了百樣投機，忘不了
星聚，忘不了燈下相偎，忘不了嬌凝秋水盈盈眼，忘不了
俏展春山淡淡眉，難忘處，只落得數聲長嘆，料你一寸難
灰。

南呂

節節高

乘鸞去，莫追暮春時傷心，不覺朱明矣，心如醉，苦費思，難
重會，看看又是端陽至，蘭湯，伏同誰試，梧桐一葉早秋
來，穿針乞巧空凝睇。

三學士

中秋月色香飄桂。似廣寒宮裡難窺只言天上無婚配。難道人間少唱隨。縱使登高愁望遠。人不見。鴈空飛。

大迂鼓

寒朝十月期蕭蕭敗葉滿積庭堦。陽回葭管灰先動。深閨添線也。休題雪色。侵人冬殘歲餘。動字宜用韻

中呂

撲燈蛾

元宵火樹輝。燈影相遮蔽。紅紫闌芳菲。正是賞花天氣也。何心。沉醉空教人對景。愁春暉。匆匆的。又清明掃祭衣。和

秋○潛○潛○都○作○杜○鵲○啼○

尾聲

一○年○總○是○相○思○處○薄○命○書○生○薄○命○你○博○得○夢○裡○成○雙○生○憎○

報曉鷄

雜用魚模齊微支思三韻

此曲乃吾湖亡友之作用韻不嚴然時有警句與貂裘
柴一曲亦未肯遂遜步者時人反有唱
青陽欣一套覺非此敵也故棄彼取此

初學詩而後大詩引
 為詩者引而後也
 三四為詩者之末訓
 五言為詩者之末訓
 七言為詩者之末訓
 八言為詩者之末訓
 九言為詩者之末訓
 十言為詩者之末訓

南呂繡帶引 天籟

錢鶴灘 閨情

繡帶 幕忽地雙眉暗鎖層層疊個愁窩心苗內種得根深
 春絲裏惹得情多蹉跎太師萍踪兩下難定妥脚根線恐
 他失蹉都歷過從前折磨非容易如今風不揚波

懶針線

願畫 憶昔相逢兩情和浪友狂朋幾調唆慳雲濫雨屢經
 過針線任教他百樣相摧挫只忍受痛腸無那有時節背
 地頻留意有時節人前佯訕訕他和我許多科段都只恐
 或被一人人唆

○ 醉空春

醉太。知麼。閒身未老。為傷離。怨別無柰。卿何珠流。潁填。得滿。慾海。情河。差訛。誰知。水盡。欲飛。鵝。管成就。鴛鴦。則箇。好待。枝頭。連理。那時。結果。

○ 瑣窗繡

瑣窗。送得人。特地。風魔。廢。忘。食。只為他。漏風聲。又恐打。破砂。鍋。雲帆。霧縠。時或相左。願卿卿。繫持。心。船。郎。又何。須。論。分離。會。合。又。何。須。論。分離。會。合。

○ 大節高

入

大勝 經年遠隔斷銀河。到秋期還證果。填橋靈鵲應相賀。

節節 風流貨。錦繡窩。珠璣唾。素纖携處寒暄過。問郎何事

音書悄悄語娘行。莫相疑。傳書怕教人宣播。

東甌蓮

入

東甌 千笑半含。酖妾不相疑。耶試哥從。今不放君移舵。

儘占。了鶯花座。饒他蜂蝶浪。耽科。子金蓮。敢覷着翠紅鄉兩

鵲鵲相守。在輕莎。

尾聲

展舊歡。呈新課。都將付與變聲歌。可怕周郎一顧麼。

用歌戈韻

全套皆俊語淋漓真作手也一時詞人攘臂者空縮項退矣

浣溪樂

流溪你曾送神女來高唐左與襄王結就絲蘿偏生把
紗一我多推挫直恁地書生緣分薄天勝如何是可把降魔
寶劍暗裡摩娑

春太平

宜春我心纔動他却笑呵道何須煩君太阿你自體疲
令力倦赤繩枉向君邊過假饒他倩女離魂也搖不動你

希夷高臥

醉太但得你

少眠一和須教送與微步凌波

後二曲偶從譜末帙中得之得句頗俊若無全套收之然與蕩忽地一套用韻用調皆同且筆致如出一手故附錄于此

南呂針線箱 人賴

鄭虛舟 恨別

自別來杳無音信。昨夜裏燈花未准。五行中合受淒涼運。
真個是惱人方寸。有時節獨立在垂楊下。可奈枝上流鶯
和泪聞。金愁悶損。縷金衣上一點點都是啼痕。

前腔

過一日勝似三春。看春的春光將盡。害着不疼不痛。懣懣
病。漸覺道帶圍寬褪。正是落花滿地。胭脂冷。又早雨打梨

花深閉門金前

仙呂 解三酲

詞隱生曰此解三
醒正靈舊曲如利
敘綠樓尋記皆同
此體變于琵琶再
變于香囊而後大
壞矣

換頭第一第二句
原與前曲不同，即
如八聲甘州、泣顏
圓皆然，今人必欲
同之何也。

待寫下滿懷愁悶更說與外人不信迴文錦圖織不盡空
訴與斷腸人幾番待撇尋思別事因爭奈一夜歡娛百夜
恩金今番病非因害酒只爲傷春

○ 前腔 頭換

皇朝詩經圖考同成詩選成物傳志此種西遊志中時局和人事所及大長地又及物類志等

海棠嬌等閒憔悴損。又不見當時花下人。東風不管離人恨。苦吹散楚臺雲。如痴如醉悠悠。勞夢魂。恨不得一上青

山立化身
前合

尾聲

恨薄情無憑准終朝思省淚珠傾這樣傷春誰慣經。

用眞文韻 内病字、冷
字、傾字、經字、犯庚青、

古曲如八義金印
拜月皆以此調為
引子，獨琵琶不然，
然畢竟是引子也。
每句末尾第二字
俱用仄聲，惟第三
句用平聲，不然皆
拗矣。第七句，本調
有無，若有之，則
末尾也上二字空
用平聲。
今人皆以此調句
法長短不定，遂妄
增改，多至不成音
律，不知觀字只可
用在每句上，及句
中間，至每句末後
三字，其平仄斷不

南呂紅袖襖 地籟

梁伯龍 寄情

解香肩鬆臂金削纖腰寬帶錦。這些時
懶把生綃理針紅。

羞將寶島添水沉。自別來還至今。幾曾時放下心。不能教

一霎徘徊兩意綢繆也。只落得長夜孤眠伴綉衾。要知第

句本來只是七寔字一句，分四字為一節，添一也字作一

句，下三字為一節，又添襯字為一句，故琵琶記悶懣懣不

放懷，撲簌簌淚滿腮，皆六字句，而也字上，都不用韻耳。今

人認以為兩句，故用襯字太多，遂有八句而體失矣。然以

句皆截板，故雖字多而亦便唱耳。詞隱生以拜月亭七

句琵琶八句，謂二記必有一誤，又增千體亦未細詳也。

五更轉

冷鳳帏，虛鴛枕。對金樽誰共。四淒涼此際難消任。誰料晚

南音三韻 散曲上 南呂

家薄情特_送到今來猶記得花前_飲閑窗寂靜空顛_曾彷彿逢君梅花月_陰

浣溪紗

他負_心真忒甚枉教人肺腑_寄_針金錢不准年來_識錦瑟空閑月下_吟身漂漂不由人不迷魂沒合煞空勞勞弔胆提_心

東甌令

心中印口中_喻到向那陽臺曉夢_尋清宵淚滴_衫兒在桃花冷胭脂_沁畫欄_月轉粉牆_陰無奈漏_沉_沉

大迂鼓

逢人覓信箇

柰

衡陽鴈杳湘浦鱖沉傷秋設把閒愁禁

有心

常他

夕陽歸鳥下疎林

撇却

歡娛

成

病侵

節節高

秋來意更深漫思尋音書欲寫還厮空追番不見臨因
些_些兔毫血_血兒浸_浸鸞戔墨酒行兒_一緘離思逐雲
飛遍身香汗和衣_透

金蓮子

倩塞禽多情定見機中錦料應是長吟還短吟為_甚的惡

南音三韻

散曲上

南音

九

姻緣更重重遠水又遙空

尾聲

算來人世多譏諍大都常是負初心誰比我海樣相思直
到今

用侵尋韻

韻甚嚴而押來復自然恐伯龍未必及此亦未知出此

前四子字及不合語
後考字與上同

南呂懶畫眉

天籟

燕仲義

情思

小名兒牽挂在心頭總欲丟時便丟渾如吞却線和鈎
不疼不痛常拖逗只落得一縷相思萬縷愁

不是路

無了無休鎮日縈牽不自由難窮究只因几度送雙眸
追求假若他不應花前口爲甚麼還將熱話挑休相誘有
心待共鬆羅扣不如早些成就早些成就

仙呂

掉角兒序

勾差隨時應酬趁埋冤總然承受不爭差性命心肝好

一似爹娘骨肉。又何曾氣兒呵。情兒拘話兒嘲。龐兒訕。一此相鬪。隨衙聽候。朝來暮休。但得個尤雲殢雨。勝似封侯。

尾聲

憑將風月都投首。不信冤家不到頭。終有日飛上紅香燕。

子樓。

用尤侯韻

尾句收得味淺

南呂懶畫眉

人籟

沈青門

風情

寶花欄十二玉亭亭。月轉層臺香霧凝。嬌娥有約在初更。

徘徊立遍蒼苔徑。

暮被

柳影風搖幾度驚。

不是路

悄悄冥冥

只見他

轉過沉香六角亭簾櫳映依稀環珮夜

無聲乍逢迎對籠雙袖梨花冷寶釧金寒玉腕水嬌痴性
却纔相逐還相倩戰兢不定戰兢不定

仙呂

掉角兒序

香枕挨銀泥翠屏煖裯鋪紫藤花撓解酥胸卸脫珍珠吐
丁香臉偎仙杏（這）（憑）（他）狂蜂隨浪蝶倒青鸞顛綉鳳喘
吁不定親親氣命低叫幾聲悄一似東風未曉月底聞鶯

尾聲

分明人在神仙境一段巫山夢未醒明夜還來花下等

用庚
青韻

此詞查舊曲牧羊
入義皆三字起惟
既記五字起而
後遂不知本詞且
反改八義為五字
最可恨也

黃鐘畫眉序

天籟

王漢陂

無意整雲鬟。半帳寒生夜不眠。謾傷春、顚顚賴賴、拈針線、喚
下鬟休捲珠簾。羞覩那雙飛紫燕。悶懷先自心撩亂。怎禁
他萬般消遣。

商調

黃鶯兒

羞對曉粧奩。俊龐兒不似前。可憐玉腕寬褪。黃金釧香消
玉減。歌慵笑懶。這幾般只為虧心漢。枉埋冤當初是我。不
合和你配青鸞。

羽調

四季花

南音三籟

散曲上

黃鐘

更闌芙蓉帳裏春夢殘。鴛鴦枕兒閑半邊。覺來時愁萬千。

地遠二字與人遠
連字用平聲乃叶

魂夢轉作夢魂即
聲調矣

滴作平溜字平聲
乃叶

枉埋冤字平仄仄

黃鶯
兒愁殺悶人天。
皂羅袍見樓兒上窗兒外皓月斜穿。
金鳳

更闌芙蓉帳裏春夢殘。鴛鴦枕兒閑半邊。覺來時愁萬千。

皂羅袍粉容憔悴。懶貼翠釵。
金鳳香肌瘦損羅帶寬。咫尺在

目前。
上情沒個。稍書人便奈天遠。地遠山遠水遠人遠。

仙呂
皂羅袍犯

漸覺神魂勞倦。喚玉梅款款樓定香肩。甫能魂夢到君前。

又被風吹簷馬滴溜。
溜轉驚迴好夢。悶懷轉添。翻來覆去。

和衣強眠。千愁萬恨。
教我枉埋冤。
歌離離畔。鵲噪喧。幾番

虛把信音傳。危樓上。
佳畫欄幾迴錯認了。去時船。

解三酲

去時節、早梅初綻、定約到燕子來時、人便還、到如今、鶯老
花殘後、並不見去的人面、他在秦樓、戀着一個別少年、却
不道、有個兒、眼望穿、頻作念、許多時、可惜、辜負花前

南呂

浣溪沙犯第三句宜仄平平仄平平仄如琴

考此詞人也天之下、宜有一三字句、如譜中心耿耿陳大發他去久是也此曲無之而須是酒宜用仄平平、乃用平仄仄、殊乖音律

楊柳眉、秋波眼、端的是為誰愁、頻年年、三月病、懶懶真個
惱殺人、也天、要解愁、煩須是酒、酒醒後、悶懷重添玉抱蕭
蕭風雨、送春寒、滿院梨花、啼杜鵑

奈子花

教曲上

從伊別一節後有
能憐一節不可作
七字句法後字一
板必不可少

從伊別後有誰憐將心事仗托誰傳朝雲暮雨和誰畱戀
合權帶共誰同縮作念心似酒旗懸懸

商調

集賢賓

瑤琴鎮日續斷絃待撫操求鸞又被風吹別調間端的是
為誰拋閃綠塵分淺下得王魁手段伊行短全沒個意
回心轉

琥珀猫兒墜

琴兒統銀方言也
應作動兒
舊梨庭院用仄仄
平平亦可但甚日

薄情一去端的有誰憐恁做琴兒學統銀這頭方了那頭
圓迷戀知是甚日歸來舊家庭院

歸來平仄不可換耳

黃鐘云黃鐘不可犯商調然前高後低也此調正犯此病然實起于琵琶記

飛不過句與琵琶記終宮桂枝平仄同甚難調可愛二見字宜平

黃鐘

啄木鵬 又可入商調

啄木把香囊綉書寄遠我為你停針三四番綉窗下豈無

人見月下把綉針偷拈未曾提起先淚漣把泪痕兒卦去

教他看兒黃鸝這斑斑都是為惜人做出相思泪兒眼

仙呂人玉交枝

雙調 下得將人輕賤反心腸鐵石樣堅空教人數得歸期晚

寶釵兒割損雕欄飛不過翠鬼離恨關擔不起重沉

相思擔要見他千難萬難要見他除非是夢間

越調 憶多嬌

第四句宜七字，此作十二字，為距此此去孤墳埋公公看石所誤也，不知彼似望公二字，仍七字耳。

如此作然句儘老而時刻多端尾聲且便甚，可恨。

南三二集

天(顛)顛(月)慘(慘)房兒中冷落(衾)枕單(俺)這里恨更長他嫌

春宵漏短拜告蒼天拜告蒼天(甚)日得人月弄圓

仙呂入月上海棠

奴命蹇(甚)時得脫淒涼限記當初執手和他送別陽關兩

三番耳畔叮嚀全不把(音)書回轉同罰(癩)虧(心)的瞞不過

(甚)湛青天(甚)終須有日重相見相見後依然故什辦姓名者若謝天

韻用先天雜犯桓歡監咸韻

黃鐘畫眉序地籟

失名贈小史

人心(怎)能測美滿前程天妬嫉惡根苗種不出歡條喜實

怎討他吐膽傾心空博得言甜意蜜知箇何處好尋覓這
滋味教人難喫。

南呂 浣溪沙犯

並頭句五十字

心如醉腸似刺這離愁不關春色被百磨打散雙鴻鴻並
頭花螫手擘啄木好似金瓶落井無消息打撈起教人空
費力玉漏怎禁受形單影隻療相思那曾有藥石

黃鐘 三段子犯

膠共漆南與北
四字句今三字
體也
追字尋字去聲乃
發詞

追今悼昔似雷陳膠共漆尋踪問跡似參辰南與北繡衣
良緣未緝能陽有泪因誰滴怕前魚向中道拋擲端不是

所以宋共字與字俱仄聲也

南音三疑

音法一

音金

九五

殘桃愛釋。

滴溜子

銷魂處。銷魂處。暗裏思憶傷情處。傷情處。明中飲泣。教我寸腸越窄。來眉去眼。一旦失追想。那相逢。地別離轉迫。

下小樓

或作上小樓乃北曲名也南曲無之

痛悲天津路。隔惡思量無擺劃。空勞夢繞楚臺側。誰料天涯咫尺。頃刻存濟不得。

末團圓犯

即要鮑老與中呂者異說見中呂要鮑老

陽關路斷誰沾識。搵青衫紅淚濕。桃源豈比尋常陌。

犯調皆依萃雅全注其句法實同也然譜中不分而板亦與所犯本調有

阮途窮人共惜，縈腸掛臆天台不拒重來客。只恐花狼藉，
匆匆話湓從前事。轉脉脉，關禁風過馬程疾。月送橋烏沒，
雙情繫兩下魄。（意）數回程日，（意）目空眇水雲碧。

尾聲

眼前便是關山隔。這宛債倩誰收拾。（意）做得白雲飛向絕
域。

用齊微入聲韻，內測字、窄字、迫字、隔字、劃
字、陌字、客字、脉字、魄字、犯皆來、沒字、犯魚模、
語儘近本色。惜題是男寵而前後與
閨情無大異，惟三段子數語着題耳。

黃鐘畫眉序 人籟

祝枝山 乍別

一見杜韋娘，惱亂蘇州刺史腸。似奇花解語，軟玉生香。彩雲輕舞，袖翩躚。(金)縷細歌喉，清亮料應鳳世，曾爲伴。(今)生再得成雙。

商調

黃鶯兒

偏愛素羅裳。煞娉婷。(恁)狂丹青。(恁)畫得他嬌模樣。行思坐想，恩情怎當。(倘)宛家牽掛。(在我)心兒上，細思量。一時不見，如隔九秋霜。

集賢賓

一味至誠，非勉強。他有鐵石心腸。君子情懷耐久，長我何

曾着意關防。憑君王張。自不許蜂喧蝶嚷。秋江上芙蓉花
到老含芳。

琥珀猶兒墜

合歡未久無柰往他方。渭北江南。道路長。暮雲春樹兩茫茫。
落何妨。一種相思。分做兩處悲傷。

尾聲

歸來依舊同歡賞。月下花前。弄翠觴。只怕藏明無情催人
兩鬢霜。

用江陽韻

南音三韻

散曲上

黃鐘

秋
日

宿冰餐風戴月披星

錦堂月犯

沉字不用韻非犯侵聲也。

潤

問語

南音二韻

散曲上 黃鐘

九人

翠雅以集前注三句見族御林目之曰當發然不知此三句與前段即亭三句何異前為起黃鶯兒此後犯林仙呂也總之二篇末二句皆一林而無異名耳

簇御林黃花綻滿路馨見人家半啓局聽得馬蹄兒跼跼

蹬穿芳徑黃鶯睡犬早驚哀後忍聞只見兩兩三三牧童

騎犢過荒郊徑數鄰亭長亭共短亭一亭過了又一亭

黃鶯兒

伐木响丁丁傷幽林取次行聽得敗葉兒淅零索落隨風

韻疎星尚耿殘明尚明碧溪清淺梅橫影算前程山程共

水程一程過了又一程

仙呂

排歌一封

排霧歛雲收曙色圓明林間隱隱山青我只聽得剌剌

時本夫一清字便
非休矣

岸字宜用韻若為
排歌全曲則末句

平仄失調矣或止
末句犯一封書耳

今仍舊

野無人句正六字

合律時本加一渡
字以爲用成句耳

不知渡字已在上
句矣

澎湃波濤怒响潺潺石澗水聲清二封白蘋岸紅蓼汀暗
想眠鷗宿鷺驚

一封詞

二封芳草渡岸濱野無人舟自橫江潮定水平蒹葭浦濕

帶痕漁翁尚臥在蘆花深雪裏推瀟瀟酒酒五湖烟景有

誰爭

羽調

馬鞍兒犯

怪石似劒排空陣連雲棧怎生登嶮峻嶺戰兢兢迤邐

無人詢問皂羅西風吹髻帽簷半傾東方潑眼紅日漸升

南音三賴

散曲上

黃鐘

前途且喜村庄近

皂馬鞍

皂羅酒旂竹籬掩映買三杯五盞少助精神素壁中間畫

劉伶竹筍蕘甌相厮稱香橙蠲蟹正當此景菊花新酒可

宜宴飲馬鞍他鄉風物動離情教人止不住思鱸興

商調

水紅花犯

名韞利鎖苦相縈背雙親離鄉別井何時名位到公卿受

艱辛登山暮嶺忽聽得晨鷄三唱直待曉鍾鳴○好傷情

回首望家鄉泪暗傾

好傷情二句草雅
以為犯念佛子故
名曰紅花帶念佛
子按念佛子本調
並無此句法姑闕
之俟考

萃雅以令清清以下犯水紅花然念佛子亦無見古樹纏枯藤句法空屬下但見字下落一字耳

念佛水紅花

漸覺日高丈五聽離巢鳥亂鳴水紅花見古樹纏枯藤冷

清清深秋光景一灣流水遠孤村小橋橫人烟寂靜八九

家家菰菰草舍三兩行鴈南征嘹嘹嚦嚦叫聲頻也囉

尾聲

趙絲韁敲金鈴到得皇都始安寧直待衣紫腰金始稱心

用庚青韻內襟字飲字心字犯侵尋潤字聞字韻字

瀟字痕字陣字問字近字神字親字辛字村字犯真文

黃鐘畫眉序犯人籟劉東生春日閨情

諸中作畫眉上海紫

鸚鵡報春晴汗濕酥胸夢初醒把簾鈎輕捲散步閒行留

形孤另二句本犯
畫錦堂詞隱生以
爲犯月上海棠觀
以下數曲皆即帶
上所犯曲名則犯
畫錦堂無疑矣
此曲諸中不收出
自詞作其曰畫賢
卿蓋以畫錦堂犯
集賢有者不知二
分二句又犯月上
海棠堂以錦月賢
賓目之

不住幾樹花香踏不折一枝梅影畫錦堂形孤另可借辜負

新春懶裁雙勝

雙調 畫賢賓

畫錦堂 心驚豈惹微生丁香暗結教人覩物傷情懊恨東君

韶光已過三分月上二分付流水浮萍一分襯馬蹄芳徑

集賢 芳春病因此上花鈿慵整

商調 集賢兒

集賢 殷勤把酒多至誠勸東君須要長情明歲重來期已

訂到不如就此留停同歡同慶免秋到碧梧金井黃鶯再

叮嚀春不住。相送過洛陽城。

黃鶯帶一封

入後
兒黃鶯。回首悶無憑。托香腮淚啼傾。見雕梁新燕長相並。
燕兒幾聲。那燕兒數聲。他把春愁說盡難回應。
書一封
清倚圍屏。交頸鶯鶯綉不成。

仙呂 一封羅

金
書一封。紅光溜小亭。蘸胭脂春草青。欲待尋芳穿曲徑。
又恐踏碎殘紅不敢行。
金羅
惜春良計誰來助。情情花怨苦誰來辨明。
無言立盡鞦韆影。

○羅袍歌

金羅袍外跣的跣蹬是誰家公子策馬閒行金丸花下打
流鶯偷香手段原端正歌君無意妾有情隔牆空自眼睜
睜看不見恨轉增夕陽揮泪杜鵑聲

○甘州解醒

八聲甘州 東方外又明辨盟香金鼎下拜深深姮娥缺處幾時
得許我團成解三清光照人孤另影羞覩牛郎織女星
然聽是誰家庭院銀甲彈箏

解醒姐姐

惜金詞酒月後即後一之

替中又有姐姐帶
 僥僥一曲，即用此
 風聽至好夢成焉
 好姐姐，下犯僥僥
 今云可憐春宵一
 刻千金價，自恨無
 絲一羽輕，與此不
 同，不知孰誤。

解三夜（深露春衫濕冷，悄把寒窓半扇）
（髮報）東君昨夜

成婚聘（西）女今朝已結盟，傷心（心）跌碎菱花鏡，振滅瑤臺一

盞燈（好）姐，孤幃冷，翻來覆去，照不穩，泪濕羅衫一片冰。

仙呂入
 雙調
 姐姐抱醉公

好姐（厭）聽長更短更，推盡了銅壺寂靜，心情意懶（方纔）好

夢成，又被雞喚醒，喜雨歡雲夢未成（醉公）奴薄命，遊不到

巫山許多佳景

雙調
 醉僥僥

醉公（子）鬼病到晚來，比前越盛他，人行春宵一刻價值千金。

南音三賴
 散曲上
 黃鐘
 頁二

思省恨只恨當初花下相逢眼底情。僥僥惜花春起早步
月夜無聲。畢竟紅顏多薄命。只得避香閨守夜清。

尾聲

梨花貌與桃花並。潔白嫌紅兩闔爭。可惜春光去。怎生。

用庚青韻 內分字犯
真文深字金字犯侵諱

今人頌字上不點
板非

黃鐘絳都春序 人籟

王漢陂

四時
閨怨

情濃乍別，爲多才寸。心千里，縈結吐膽傾心。把海誓山盟，
曾共設風流空惹。下相思業，又擔上風花雪月，滿懷心事。
這離思教我對誰分說。

出隊子

花開花謝，又早春光應漏泄。紅深綠嫩，一似銀屏列觸處。
繁華都綻徹，嬌滴滴海棠花無心去折。

鬧樊樓

陽關數曲，官商別鳳簫聲斷。楚臺程涉，霧鎖黃金，朝夢遠。

今人于機墜下樓
出咭叮當將寶瑟
墜折末句上又增
出一响叮當句既
發而與舊詩不吐
又改別作按又刪
去銀字皆非也

秦樓外側楞箏絃斷撲簫的瓶堅[○]折咭叮當把菱花鏡
碎跌。

滴滴金

芳緩步聞[○]鵲柳畔黃鵬聲弄舌花飛碎玉呈郊野料
東君歸去也傷情[○]慘切悶無言倦將[○]簾半揭此情哽咽
滾楊花似雪

畫眉序

清和傷佳節蕤館涼生[○]枕[○]簾設奈無情來往戀香[○]疎蝶逐
和風[○]點冰晴[○]蛩池沼內輕浮新葉可惜[○]虛度納涼夜[○]鰕鮑

上汨痕啼血。

南呂

浣溪沙犯

新蟬噪聲哽咽。浸冰盤藕絲堆雪。羅帕上題詩。將心事寫。
仗南薰傳信也。兒木不思。量舊日冰肌貼不念。我枕簟同。
歡悅。玉遲。玉遲。不記得同。心雙結竟不想。爲薄情種瘦怯。

黃鍾

三段子犯

井梧墜葉到重陽。情與別。金英萬疊遶東籬。丰味絕。繡衣
天香散麝。傷秋宋玉悲何切。盼征鴻。在天外行列須寄却。
魚書鴈帖。

滴溜子

紗窗外紗窗外桂魄皎紫銀臺上銀臺上燒燈半滅寶鼎
餘香猶蕪西風翠被寒蛩韻切暗數盡譙樓上更籌未徹

下小樓

嘆嗟花殘月缺挨連宵風雨節姻緣分定受磨折几度思
量欲見爭奈路遠途賒

末團圓犯

犯註見畫眉序人
心怎能測曲內

寒侵繡幄嚴威冽舞鵝毛飄粉蝶連仙探梅閑遊冶暗香
來難尋折亭茶謾啜相思擔兒何時歇漸減桃腮頰

此詞本在臨城人山
玉和陸丁一四用印
記七

瘦怯愁和悶。幾時撇寬褪。羅裙。粉黛飄香。眉雲鬟亂。金鳳折展。轉形憔悴。只恐髻堆雪。

尾聲

窗前暗把音書批。罵薄倖弄巧成拙。不把閒情來去惹。

用車
遮韻

選良不思用仄平
仄平清規鎮常中
平平仄平皆妙
格記事君事親人
生怎全正同若用
平平仄仄或仄仄
平平皆落調矣

黃鐘啄木兒

地籟

王漢陂

題女

誰家女兩髻丫滿臉嬌羞將破瓜聽清聲
似柳外雛鶯覷香鬢似日暮寒鴉選良
遇不思輕婚嫁守清規鎮常中孤寡
好似一朵藏風葉底花

羽調

賣花聲

卽浪淘沙然與越調浪淘沙不同

獨閉房櫳有誰歡狎伴侶相邀暫同戲耍繡鞋剛三寸些
兒大細腰身捻就無一把避東風簾多下

歸仙洞

步花徑欄檻隘防人覷常驚說荆棘抵裙軟倒閃在茶蘼

架勾引得嫩枝。伊啞討歸路。尋空罅。仗舊家巢燕。引入窻
綫。

尾聲

這多嬌真無價。若還情願到人家。準備。日夜燒香供養他。
用家
麻韻